

M A T T H Æ I
S V T L I V I I

De recta studij theologici
ratione, Liber

vnus.

EIDEM ETIAM ADIVN-

ctus est brevis de concionum ad populum

formulis, & sacra Scriptura varia pro

auditorum captu tractati-

one, libellus.

I O A N N. 14.

Dicit ei Iesus, ego sum via, veritas & vita.


Ambrosius Offic. lib. I. c. I.

Vnus verus magister est, qui solus non didicit, quod omnes
doceret. Homines autem discunt prius, quod doceant,



LONDINI,
Apud Melchisedechum Bradwood.

1602. f



EDITH T. A. M.
LIVELY

Detolla (Detolla) Detolla

STUDENT: [illegible] ADI 111

10-11-1964

1870



AD SACRÆ THEO-
LOGIÆ TAM PROFES-
sores, quàm candidatos

Præfatio.

Sacra theologia scienti-
am, fratres & commili-
tones in Christo charissi-
mi, proficentur multi, pro-
bant omnes p̄i, assequun-
tur pauci. quis est enim è
multis, qui huius scientie
studio tenentur, qui quod
illa postulat & pollicetur, præstare, & non modo
sanam doctrinam disertè & distinctè explicare,
verum-etiam homines impios & hæreticos, qui
contradicunt, solidè refellere & arguere potest?
quis verbum veritatis rectè tractare, & omis-
sis stultis & inutilibus questionibus, quæ ad docen-
dum, arguendum, corripiendum, & erudiendum
populum sibi commissum pro temporum & perso-
narum varietate maximè conducunt, proferre, &
graviter & scienter ad sensus animorum accom-
modare novit? at contrà videmus ² existere . i. Tim. i.
nonnullos

PRÆFATIO.

nonnullos, qui dum volunt esse legis doctores, neque quæ loquuntur, neque de quibus affirmant, satis intelligunt. Cuius rei licet multa causa afferri soleant, earum tamen nullam plus valere putamus, quam quod plurimi sine certa ratione & via theologia studium ingrediantur, optimamq; concionandi formulam & characterem ignorent. hinc enim factum est, ut alij confusè scripturas, patres, orthodoxorumq; & hereticorum libros legentes ex bonis scriptis non multum utilitatis, ex malis multum damni perceperint. alij verò Lombardum, & scholasticos, & aduersariorum de controuersijs tractatus in manus sumentes, antequam de vera & falsa doctrina rectè iudicare potuissem, se in varios errores precipitarunt; de fidei autem doctrina iudicium incertum adepti sunt. alij dum monachorum, & fidei orthodoxa aduersariorum inquinatissimos commentarios & luteolas postillas scrutantur, nō modo hereticorum fermento sanam doctrinam corruperunt, sed etiam in dictionis genus vel tumidum & inflatum, cuiusmodi Granatensis, & alij monachi nunc sectari solent, vel ineptum & puerile, quod apud postillatores frequens est, inciderunt. multi denique dum inter saxa & cautes noxiarum opinionum sine certa fidei regula nauigant, & absq; Thesei filo labyrinthos contrariorum dogmatum ingrediuntur, aut in luto &

PRÆFATIO.

ceno hereseôn harent, aut varijs fluctibus iactati incerti errant,

errat ut à ventis discordibus acta phaselus.

Nos ergo ut theologiae candidatis, quorum studijs summè fauemus, in tanto discrimine auxilium opportunum asserremus, eisq; viam certam theologicæ studiij, quam nullus sine summo periculo per se quærit, aut sine summo labore inuenit, demonstraremus; tractatum hunc de recta studiij Theologici ratione, quem primum in amicorum quorundam nostrorum gratiam conscripseramus, nunc publici iuris faciendum esse censuimus. eidem etiam adiunximus aliud nostrum de formulis concionum ad populum, & scripturæ varia tractatione breuissimum scriptum. nimirum ut inde discant nouitij, qui munus grauissimum populum christianum docendum se suscipere instituunt, & in genere dictionis, & in materia quam tractant, & in omni munere concionatorio, & quæ spectanda & sequenda, & quæ cauenda & fugienda videantur: atq; ut perfectè demum intelligant, quid ab eis postulatur, qui^a se operarios præbere^b *ἀναμαρτυρεῖς*, & verbum dei rectè tractare ex officio pastoralis tenentur.

Vos ergo, qui iam doctôrum, & professorum theologiae splendidissimum nomen adepti estis, hortamur & rogamus, ut & huius præclarissimi

^a 2. Tim. 2.

^b In confusibiles.

P R Æ F A T I O.

studij tyrones quæ utilia videbuntur, docere, eosque monere, & amore pietatis inflammare, atque ut omni cum fratribus deposita similitate, & alijs omnibus postpositis huius sæculi vanissimis curis communem fidei orthodoxæ causam aduersus Iebuseos & Cananeos, magistrosque mendaces, & omnes antichristi rabulas conductitios suscipere velitis. Illi & scriptis, & concionibus, & colloquijs priuatis doctrina papalis corruptelas quantum possunt promouent & propugnant: atque ita opus partiuntur, ut alij catechismum & fidei prima principia doceant, alij apud populum concionentur, alij turbis se immisceant, alij cū hominibus priuatis sigillatim agant, alij commentarios scribant, alij controuersias tractent, alij annales conscribant. Cur non ergo nos vicissim & scriptis, & concionibus, & sermonibus priuatis, & veram fidem promoueamus, & eorum corruptelis & mendacijs occurramus?

Reliquos verò, qui nunc primum hoc theologi studiij curriculum ingrediuntur, obtestamur per Christum Iesum, ut omni contentione & studio in hoc opus incumbant; ut scripturas diligenter legant, ut patrum scripta & hominum orthodoxorum commentarios cum Apostolorum & Prophetarum scriptis comparent, ut acta conciliorum non suspecta & ecclesiæ historiam euoluant, ut locos denique communes rerum omnium,

quæ

PRÆFATIO.

quæ vel ad fidem pertinent, vel ad mores, conficiant; nec committant, cum ingenio aduersarijs pares sint, eosque prima institutione, & alijs rebus superent, ut labore, diligentia & studio ab illis vincantur. Est enim officium omnis viri Christiani in rebus fidei^a parare se ad satisfactionem omni poscenti rationem. Qui autem episcopi, pastorisque & doctoris munus gerit, potens esse^b debet exhortari in doctrina sana, ^b Tit. I. & eos qui contradicunt arguere. Pastoris etiam nomen ipsum admonere potest, eius officium esse & pascere gregem Christi, & lupos ab Antichristo immixtos, qui Christi gregi insidiantur, arcere. Atque hæc quidem, si ab virisque tam professoribus scilicet, quam candidatis theologiæ obtinere possimus, quod vestra pietate & humanitate freti & nobis & reliquis omnibus polliceri non dubitamus; tunc nec Lombardi centones, nec Thome Aquinatis & aliorum scholasticorum argutas nugas & ineptias, nec monachorum cænosos commentarios, nec insulas fraterculorum postillas amplius perscrutabuntur nouitij. Præterea hæc vobis audacter confirmamus nos breui & Bellarmini nodos, & Baronij & Sanderi mendacia, & reliqua omnia, quæ vel ipsi, vel eorum sodales contra fidem fideique defensores & professores ediderunt, articulatim refutata & concisa visuros. Eos denique, qui hæcenus atten-

A 4


derunt

P R Æ F A T I O .

derunt spiritibus erroris, & doctrinis dæmo-
niorum in hypocrisi loquentium menda-
cium, & ex poculo meretricis magna meros
biberunt errores, aut penitebit aut pudebit.

Omnes denique viros pios & fidei orthodoxæ
studiosos obsecramus, ut studium hoc nostrum
probare, & vna nobiscum causam veritatis

& religionis adversus papistarum men-
dacia, hæreses, perfidiam & scele-
ra suscipere, & animosè
defendere velint.



MATTHÆI



MATTHÆI SVTLIVII

de recta studij theologici ratione,

Liber unus.

C A P. I.

De virtutis indole, artiumq; & linguarum adiumentis, alijsque ornamentis & instrumentis futuro theologo necessarijs.



Sicut nec omnes euadunt milites, qui rei militaris studio tenentur; sic nec omnes theologi fiunt, qui theologiæ dant operam. Nam vt in militibus postulatur & robur corporis, & habitudo ad rem militare apta, & animi fortitudo & viuacitas, reliquæque virtutes militares: sic etiam ad theologiæ studium non omnes apti & idonei reperiuntur, nec in eo multi proficiunt, nec aliqui excellunt, nisi quos spiritus sancti afflatus ad hoc diuinum studium excitat, & quibus deus & dona naturalia ad munus theologi necessaria contulit, & artium præterea & doctrinæ adiumentis instruxit.

Pastores

* Ephes. 4.

* Act. 20.

* 1. Cor. 12.

Pastores enim & doctores non casu exoriantur, nec suis laboribus fiunt, nec tam ab hominibus, quàm à Christo ecclesie ^a dati sunt. Præterea non temerè hunc sibi honorem arrogant, sed eos spiritus sanctus ^b constituit, qui regant ecclesiam dei. Quamvis denique plures sint officiorum in ecclesia gradus, & diuersa ministeria; omnia tamen deus operatur in omnibus, vt ex verbis apostoli liquet. *Diuisiones sunt, inquit, ^c operationum, idè verò deus, qui operatur omnia in omnibus. Vnicuique autem datur manifestatio spiritus ad vtilitatem.* Nihil est ergo, quod quis se summum theologum eua- surum speret, nisi se à deo quodammodo ad hoc munus vocatum sentiat. Nam si in artibus humanis nemo excellere soleat, nisi qui diuinitus afflatus earum rerum studio incenditur & rapitur; non est credibile aut verisimile in hac diuinissima & præstantissima scientia quenquam operam vtilem collocare posse sine vocatione & afflatu diuino.

Postulatur etiam ab huius studij candidato, præsertim verò ab eo, qui alios docere instituit, & ingenij acumen, & memoria firma, & vox clara & flexibilis. Præterea habere debet & in vultu grauitatem, & in toto corpore dignitatem. Neque enim percipi potest tam recondita scientia sine ingenio, nec comprehendere vel quod discitur, vel quod docetur sine memoria. Pronuntiatio autem & actio decora, vbi vox deest, & summa est vultus aut corporis deformitas, haberi certè non potest.

In theologo præterea requiritur & morum sanctitas, & animus ab omni vitiorum & perturbationum labe purus. *Oportet enim ecclesia episcopo-*

nam irreprehensibilem esse, vt inquit ^a apostolus. ^a 1. Tim. 3.
 Præterea vt alios erudiat doctrina, non debet illis
 nocere exemplo. *Qui alium doces* inquit Paulus,
^b *teipsum non doces?* ne populus quidem vtiliter ^b Rom. 2.
 verbum dei audit, nisi qui mente purgata semen
 illud verbi incorruptum excipit. Doctori ergo
 multò magis affectuum puritas necessaria est. V-
 trumque verò deus quasi per vmbra[m] legis osten-
 dit. Nam nec ^c populus ad legem audiendam ^c Exod. 19.
 admissus est, nisi post bidui purgationem: nec
 Moysen ad se accedere deus permisit, nisi post-
 quam calceamenta pedum exuisset. Exuant ergo
 similiter theologiæ studiosi veteris hominis desi-
 deria, & inquinamenta morum, & pura mente ad
 sanctæ huius scientiæ studium accedant.

Artium denique variarum disciplinis, & lin-
 guæ latinæ, Græcæ & Hebrææ scientia instructus
 esse debet, qui theologiæ palmam quærit. *Contra*
ignota signa propria, inquit ^a Augustinus, *magnum* ^a Lib. 2. de doctr.
remedium est linguarum cognitio. Idem dicit *latina* ^b Christi. c. 11.
lingua homines duabus alijs linguis ad scripturarum
diuinarum cognitionem opus habere: Hebræa scilicet
& Græca. Nobis autem, quibus lingua latina non
 est vulgaris, & eius cognitio paranda est. Nam vt
 scripturæ in lingua Hebræa & Græca editæ sunt,
 quarum præcipua habenda est ratio; sic Græcè &
 Latinè & Ecclesiæ historia & varia patrum in sa-
 cras scripturas commentaria, & alia monumenta
 conscripta sunt. non tantum scripturæ ergo, sed
 hæc etiam omnia diligenter legenda sunt. Artium
 verò & philosophiæ cognitio theologum maximè
 exornat, & iuuat. Neque enim sine dialectica hæ-
 reticorum

reticorum nodos & fallacias discernere & solvere, veraque dogmata tueri & confirmare, nec sine dicendi scientia vel veram doctrinam disertè & distinctè proponere & tractare, vel quæ ad pietatem & mores attinent persuadere potest. Præterea sine dicendi facultate neque vel mores auditorum rectè formare, vel ad hominum sensum orationem adhibere potest. Ecclesiæ denique & reip. historiam tenere, & rerum politicarum usum habere, nec aliquid ignorare debet theologus, quod ab homine docto & usu perito postulatur. Neque hoc nos tantum, sed etiam ante nos summus theologus docuit * Augustinus. Ipse enim & philosophiam, & differendi & dicendi scientiam, & poeticam & reliquas artes, & rerum denique civilium cognitionem plurimum ad scripturarum & rerum sacrarum intelligentiam conferre dicit. Nam & *Mossem eruditum fuisse omni sapientia Egyptiorum. & ipsum aurum & argentum & vestem Egyptiorum populo dei datam, in obsequium dei contulisse.* * *Et omnem bonum verumque christianum intelligere domini sui esse, ubicunque inuenit, veritatem.*

Atque hæc omnia in theologo, quem oratione nostra informamus, ita necessaria videntur, ut in quo hæc summa sunt, eum summum theologum, in quo autem mediocria, eum mediocre futurum existimemus. Qui autem vel nihil horum, vel non ea saltem, quæ maximi esse momenti videntur, tenet, multo ille consultius & sibi, & alijs faciet, si omissio theologi pastorisque ecclesiastici gravissimo munere ad alias artes, ad quas magis
aptus

Lib. 3. de doctr.
Christi.

AQ. 7.

Lib. 3. de Doctr.
Christi. 40.

Ibidem, ca. 18.

aptus est, se conuertat. Nam qui vel principatus alicuius gratia, vel lucri, aut fortasse otij spe hæc studia consecratur, licet se nec diuinitus vocatum, nec satis linguarum & aliarum scientiarum adiumentis instructum sentiat; hunc licet se ingerat in theologiæ studium, & per manuum impositionem ad ecclesiastici pastoris officium designetur, theologi tamen & pastoris ecclesiæ nomine & munere indignissimum censemus.

Ne autem temerè quispiam aut se diuinitus vocatum, aut satis linguis & artibus instructum confidat, qui tamen nec verè vocatus est, nec satis idoneus theologiæ auditor, nec denique verè tam abstrusæ & diuinæ sapientiæ capax habetur; hunc nos & propter vocationem, & præsidia & instrumenta theologo futuro necessaria satis idoneum theologiæ auditorem esse credimus, qui nec propter spem lucri, nec gloriam huius seculi pastoris ecclesiæ munus, studiumque theologiæ amplectitur, sed quia summo huius scientiæ amore afficitur, & se verè artium & linguarum cognitionem sufficientem comparasse videt, & operam se ecclesiæ vtilem præstare posse credit.

CAP. II.

Quid præcipuè in suis studijs spectare debeat theologiæ candidatus.

QUoniam theologiæ scientia, non tam in contemplatione, quàm in actione versatur, ideo huius studij candidatus non tantum nosse legem dei,

a Iacob. 1.

b 1. Tim. 3.

c 1. Petr. 5.

dei, sed eam etiam sequi, & quantum potest in hac naturæ humanæ fragilitate, præstare tenetur. Nam si omnes christiani debeant esse *factores verbi, & non auditores tantum*; tum maximè hoc à legis doctore postulatur, qui alijs lucem præferre debet, ne cum alios docuerit, ipse reprobus fiat. *Episcopus enim irreprehensibilis esse debet, & à pastore hoc requiritur, ut sit forma, seu exemplum gregis.*

Deuter. 4.

Præterea cum theologia sit scientia de deo, rebusque diuinis & sacris, omniæque contineat, quæ deus de seipso, cultuque suo, rebusque sacris & ecclesia sua in verbo suo nobis cognoscenda tradidit; idcirco theologus & verbum dei studiose legere, & ea omnia, quæ ad salutem hominum, & rectam ecclesiæ administrationem pertinent, nosse debet. *Hæc est enim sapientia, & intellectus noster coram populis, ut inquit Moyses: eaque est scripturæ diuinitus inspiratæ præstantia & virtus, ut virum dei perfectum reddat.*

2. Tim. 2.

T. 1.

Neque tantum scripturas nosse, & quæ lex dei postulat, præstare; sed alios etiam ad iustitiam erudire tenetur. *Seruum enim dei ut inquit apostolus oportet esse διδασκαλόν, hoc est aptum ad docendum. debet etiam potens esse exhortari in doctrina sana.*

Quoniam verò exurgunt quotidie hæretici, & alij veritatis hostes, qui & in circulis & in concionibus, idque & publicè & priuatim fidem christianam oppugnant, & non tantum in sermonibus priuatis, sed etiam aliquando scriptis publicis hæreses & praua dogmata disseminant, virosque bo-

nos

nos calumniari solent; idcirco ita se parare debet theologiæ studiosus, ut & in priuatis colloquijs, & publicis disputationibus, & concionibus veram fidem, virorumque bonorum innocentiam defendere, & à calumnijs vindicare possit. Requiritur etiam, ut quoties opus est, scriptis publicis & latinè & in lingua vernacula & veritatem asserat, & aduersariorum mendacia & calumnias refellat.

Postremò ipsius est & peccatores monere & corrigere, & recta & vtilia suadere, & calamitate aliqua fractos solari, & iacētes erigere, scripturáque ita scienter tractare, ut per eas homo dei perfectus fiat, & ad omne opus bonum instructus.

* Scriptura enim, cuius tractatio ad officium a 2. Tim. 3.
theologi spectat, *utilis est ad docendum, ad arguendum, ad corripiendum, & ad erudiendum in iustitia.* Et ut ait apostolus Rom. 15. *Quaecunque scripta sunt, ad nostram doctrinam scripta sunt, ut per patientiam & consolationem scripturarum spem habeamus.* Nihil autem turpius, ^b *quàm eos, qui magistri* b Hebr. 5.
esse debent, rursus indigere ut doceantur, quæ sint elementa exordij sermonum dei. Nec quicquam magis reprehendendum, quàm eos qui volunt esse legis doctores, non intelligere, neque quæ loquuntur, neque c 1. Tim. 1.
de quibus affirmant.

Hæc ergo in suis studijs spectare debent theologiæ studiosi, omni que animi contentione con-
niti, ut ea omnia diligenter & accurate præstent, quæ ad officium summi & eximij theologi pertinent. Si autem non omnibus detur in istis omnibus excellere; eum tamen cursum tenere debent, quem

quem diximus, & ad perfectionem, quantum licet, contendere. Quod quidem cum semper ipse qui sacrosanctum theologiae studium ingrediuntur, tum hoc tempore praecipue faciendum est, quando tot ingruentibus hostibus, sanctissima Christi fides laborare, piorumque pastorum & doctorum fidem & operam implorare & flagitare videtur. Ad hoc etiam aduersariorum studia, contentiones, & labores summi nos prouocant & accendunt. Quid enim turpius, quando in causa pessima antichristi ministri & rabulae conductitij tantam curam, diligentiam & laborem ad sua negotia promouenda adhibeant, orthodoxae ecclesiae doctores & pastores cessare, aut saltem parem diligentiam & contentionem in veritatis propagatione & defensione non adhibere? illud denique cogitare debent, non posse omnes omnia facere, & honestum esse in rebus praeclearis prima spectantem & sequentem in secundis, tertiisque consistere.

CAP. III.

Quibus rationibus theologiae studiosus finem, quem spectat, consequi possit.

Cum in theologo non tantum doctrina spectetur, sed vita etiam & mores, ut iam diximus, in utroque etiam ille elaborare debet, ut reliquis omnibus prae luceat. Quoniam vero vitae probitas & innocentia illi est cum omnibus Christianis communis, nihil est quod singularia praecepta expectet. Quomodo autem rerum sacrarum scientia

entis pareretur, hoc & illi præcipue curandum, & à nobis docendum videtur. In hoc autem non omnes idem sentiunt.

Olim satis erat scripturas diligenter legere, & tenere. Omnes enim controuersie & lites ex lege dei definiebantur. *Facies*, inquit ^a Moyses, *quod-* ^{a Deut. 17.}

cunque duxerint qui præsunt loco, quem elegerit dominus, & docuerint te iuxta legem eius. Hinc factum est, ut iudices & theologi apud Hebræos iidem & legis doctores & scribæ dicerentur. Similiter & in nouo Testamento sacris literis præcipue incumbant ecclesiæ pastores, & *Timosheus* laudatur, non quod decretales pontificum, aut quod spinosas scholasticorum quæstiones legeret, & intelligeret, sed quod ^b *sacras literas ab infantia nosset.* ^{b 2. Tim. 3.}

Illas enim apostolus, nos instruere posse docet ad salutem. ^c *Augustinus* verò, etsi multa requirat in theologo, omnia tamen ille ad scripturarum intelligentiam refert, quasi illæ præcipue legendæ & cognoscendæ essent. ^{c Lib. 2. de Doctr. Christ.}

Eò enim & linguarum cognitionem, & philosophiæ, artiumque aliarum disciplinas esse dirigendas. Mirumque videtur aliquos aliud sentire, cum ^d apostolus doceat ecclesiæ ^{d Ephes. 2.} *ciues adificatos esse supra fundamentum apostolorum & prophetarum, ipso summo angulari lapide Christo Iesu.* Quis enim non contemnat, tanquam lutum, & lignum, & stipulam, quicquid non est fundamentum super apostolicam & propheticam doctrinam, tanquam super certum & immobile fundamentum?

Papistæ verò qui super traditiones ecclesiæ & pontificum decretales fidem suam adificant, &

emag

B

spinosas

spinofas ſcholasticorum diſputationes plurimi faciunt, longè aliam rationem ſequuntur. Nam vt fidei antiquæ leges, ſic etiã doctrinæ fidei methodum & rationem mutarunt: aliique Iebufeorum quædam dictata, alij Thomæ Aquinatis, aut aliorum ſcholasticorum ſummas & ſummulas, alij Petrum Lombardum ſtudium Theologiæ primum auſpicaturi in manus ſumunt. Sunt etiã nonnulli, qui *Thomæ Aquinatis* doctrina leuiter deguſtata, aut ad caſus, vt vocant, conſcientiæ, aut ad ius canonicum ſe conferunt. Pauciſſimi verò reperiuntur, qui vel ſacras ſcripturas, vel patrum commentarios ſtudioſe legunt. Atque hoc aduerſarij verum eſſe norunt, & *Ferdinandus Velloſillus* episcopuſ Lucenſis, vt ſeipſum appellat, ingenuè faretur. Se enim in ſcholasticæ theologiæ, & iuris canonici explicatione ſedecim annos verſatum nec ſcripturas, nec doctores vel à limine ſalutaſſe dicit. Reliqui ſanè non amplius vel ſcripturas, vel patres attingunt, quàm quantum ad ſcholasticam doctrinam intelligendam ſatis eſt.

At homines pij & orthodoxi, qui veræ theologiæ ſcientiam à papiftis variè interpolatam & corruptam ad primas eccleſiæ leges reuocare conantur, longè aliam viam ijs, qui optatum finem in ſtudijs ſuis contingere cupiunt, ingrediendam cenſent. Primas enim partes ſcripturis tribunt, eaſque quotidie legendas & audiendas eſſe monent. ^b *Fides enim ex auditu eſt, & auditus per verbum Chriſti.* Chriſtusque nos, non pontificum decretales, ſed ^c *ſcripturas ſcrutari iuſſit.* Illæ enim lucent ^d *tanquam lucerna in caliginoſo loco.* Sic etiã

patres

^a In Prefat. in
aduerſentiam alieo-
log. ſcholasti.

^b Rom. 10.

^c Ioan. 5.

^d 2. Petr. 1.

patres ecclesie antiquissimi & scripturas diligentissime scrutati sunt, & eorum præsidio se aduersus hæreticos satis munitos putarunt. * Chrysostomus dicit scripturam utilem esse ad docendum, si quid vel discere, vel ignorare opus sit. Et Augustinus lib. 2. de Doctr. Christ. c. 9. in is inquit, que aperte in scripturis posita sunt, inveniuntur illa omnia, que continent fidem, moresq; viuendi. Ex scripturis ergo patres antiquissimi, & non ex decretis pontificum Rom. & multo minus ex philosophicis principiis, & fidem confirmarunt, & hæreses refutarunt. Ecclesie verò doctorum testimonia scripturis longè postposuerunt. Quamuis inquit * Hieronymus, sanctius sit aliquis post apostolos, quamuis disertius sit; non habet auctoritatem. Et Augustinus: ego * inquit, solis illis scriptoribus, qui iam canonici appellantur, hunc timorem & honorem didici deferre, ut nullum eorum aliquid scribendo errasse audeam credere. Et postea: alios autem ita lego, ut quantalibet sanctitate, quantane doctrina præpolleant, non ideo veram putem quod scripserunt, quia ita senserunt, sed quia mihi vel per alios auctores canonicos, vel probabiles rationes, quod a veritate non abhorreant, persuadere potuerunt. * Athanasius denique: ecce nos inquit, ex sacris literis iam fidenter loquimur de religiosa & pia fide; & quasi candelam super candelabrum collocantes hæc pronuntiamus. * Idem dicit hereticos lapidandos esse sacrarum literarum argumentis.

^a Homil. 9. in
2. Tim. 3.

^b In Psal. 36.

^c Epist. 19. ad
Hieron.

^d Contra Arrianos
lib. 1. c. 2.

^e Ibidem.

^f De interpret.
Psal.

Scripturæ ergo nocte, dieque à theologo legendæ & versandæ sunt. Est enim scriptura diuina, ut ait Athanasius, magistra virtutis & veræ fidei. Quando autem scripturas dicimus, eas intelligimus,

mus, quæ quia regulam continent fidei & morum, rectè canonice vocantur : è quo numero nullum excipimus vel noui Testamenti librum qui Græcè extat, vel veteris, qui Hebraicè editus habetur. Quia verò scripturæ primò Hebraicè & Græcè conscriptæ sunt ; ab illis qui Hebraicè & Græcè intelligunt in linguis illis legendæ sunt, & non tantum in latina, aut alia lingua vernacula.

Sed quia non semper contingit, vt omnes hoc studium ingredientes Hebraicè & Græcè sciant, idcirco non parum iuuabit nouitios cum originali textu versionē latinam veteris Testamenti à Tremellio siue à Pagnino, noui testamenti à Theodoro Beza editam, aliasque vulgares nonnunquam versiones, quæ propius ad Hebraicæ & Græcæ linguæ phrasim accedunt, quam latina, adiungere. Vtile etiam erit, quia totius fidei summa in symbolum apostolorum, legis summa in decalogum, rerum petendarum & deprecandarum summa in orationem dominicam contracta est ; & fidei articulos, & legis summa capita, & orationis petitiones memoriter tenere, & singula rectè intelligere, & pias parum in symbolum, legem & orationem dominicam expositiones legere. Sic enim tyrones in latissimis scripturarum spatijs decurrentes, quo singula referenda sunt, certius intelligent, & à fidei orthodoxæ tramite non facile errabunt.

Neque miretur aliquis quòd scripturas sedulo legendas & euoluendas dixerim, idque sine glossis & commentarijs. Iniuriam enim fecerit spiri-

Et Augustinus denique : *magnifice inquit, & salu-
briter spiritus sanctus ita scripturas sanctas modifica-
uit, ut locis apertioribus fami occurreret, obscuriori-
bus fastidium detergeret. Nihil enim fere de illis ob-
scuritibus eruitur, quod non planissime dictum alibi
reperiatur.* Neq; sanè nouum est, quod scripturæ
dubios ad scripturas remiserim. Neq; enim qui-
quam melior est scripturæ interpres, quàm spi-
ritus sanctus, quo authore illa edita est : nec verifi-
mile est spiritum veritatis & sapientiæ, ita obscure
esse loquutum, vt quisquam attentè legens &
ponderans scripturas ab eis falli & in errorem in-
duci possit. Præterea cum difficultas omnis scrip-
turæ oriatur fere, vel quia scopus & argumentum
spiritus sancti ignoratur, vel quia vocabulum ali-
quod non intelligitur, vel quia inusitata occurrit
translatio, vel quia Hebraicæ aut Græcæ linguæ
phrasis nobis noua & ignota videtur, vel quia fi-
gura dicendi latet, vel quia translatio est intellectu
difficilis, vel quia adhuc non assuetimus deum in
scripturis loquentem audire, vel denique quia
mores & ritus antiquos ecclesiæ, & populi dei, &
aliarum gentium non didicimus : quis non intelli-
git omnes has difficultates crebra sacrarum litera-
rum lectione superari posse?

Præter scripturas etiam canonicas legere de-
bet theologus & libros ecclesiasticos, qui cum re-
liquis scripturis a vetere latino interprete con-
iuncti sunt, & à nonnullis apocryphi dicuntur.
Eius generis sunt libri *Tobie, Iudith, ecclesiastici,
sapientia, Machabæorum, Esdra 3. & quartus, &
fragmenta quædam latina ad codices originales
addita.*

addita. Libri enim isti, licet non multum valeant ad dogmata confirmanda sine canonicorum librorum consensu; multa tamen continent ad motum reformationem, & historię ecclesiasticę cognitionem scitu non inutilia, & à patribus non raro citari solent.

Euoluenda sunt præterea patrū scripta & commentaria, qui nonnunquam ex scripturis scripturę mentem non malè colligunt. Nec contemnendę sunt vel *Tremellij, Iunij, Varii & Beza* annotationes, vel postilla *Lirę*, glossa ordinaria & expositio interlinearis, vel denique recentiorum (modò orthodoxi fuerūt) commentaria & expositiones. Quę enim nos ex lectione scripturę videre non possumus, ea ab istis admoniti clarè intelligemus.

Adiungenda sunt denique scripta illa, vnde ecclesię historiam cognoscere licet: cuiusmodi sunt *Eusebij, Theodoret, Socratis, Sozomeni, Eusebii* libri. Neq; negligendus est vel *Iosephus*, vel *Philo*, vel *Nicephorus & Zonaras*. nam licet multa contineant fabulamenta; nonnunquam tamen verum dicere solent. Postremò nec philosophi, nec poetę nec gentiliū libri omnino contemnendi sunt. Nam & hos ad scripturę sacrę intelligentiam nonnihil nos iuuare posse, grauissimus author docet: *Augustinus*.

a Lib. 2. de Doctr. Christian.

Hęc autem non ita accipi volo, quasi ad singulos scripturę locos, aut patrum commentaria, aut alias expositiones, aut postillatorum acervum necessarium putarem; sed vt ibi tantum adhibeantur, vbi magna versatur difficultas, & quando aduersarij aliam interpretationem asserunt. Præterea

non semper vel ethnicorum libri, vel ecclesiæ historiæ scrutandæ sunt, sed quando lucem rebus obscuris afferre possunt.

Neque tantum ad scripturæ intelligentiam, sed etiam ad morum correctionem, rerumque utilium suasionem prodest post scripturæ authoritatem etiam patrum, & historicorum, & ethnicorum sententias & exempla proferre. Quem enim non pudeat virum christianum, vel recta & honesta non sequi, quæ lumine rationis naturalis ethnici sequenda viderunt, vel turpia & scelera non fugere, à quibus ethnici saniores abhorrerunt? multum præterea mentes auditorum commouent sanctissimorum patrum dicta & exempla præsertim ubi hortamur, vel ad pietatem, vel ad mores. Multum etiam prodest aduersariorum scripta consulere & legere, illa præsertim, quæ antequam per indices expurgatorios antiquiores scriptores recentiores fallarij corrumpere ceperunt, edita fuerunt. Nam cum ex illis statim controuersia, quæ inter nos & ipsos est, certius cognoscitur, tum nullum probationis genus ad improborum retundendam malitiam validius est, quàm quod ex ipsorum aduersariorum confessione ducitur. Nulla præterea victoria clarior aut illustrior censetur, quàm quando inimicis nostris iudicibus vincimus. Vnde & Moyses ex inimicorum testimonio probat Dei virtutem. *Non est, inquit, deus noster, sicut dii illorum, & inimici nostri iudices.* Si ergo nos vicissim dicere posimus religionem nostram non esse sicut hæresim papistarum, & inimici nostri iudices, nonne frangeretur Iebusæorum audacia? cognoscenda

noscenda est ergo synagogæ Rom. historia; & pō-
tificum Rom. legendi libri & decretales. Cognos-
cendum est etiam ius canonicum & rapsodia *Gra-*
tiani, & si quid vtiliter excerpti possit ex recentio-
rum conciliorum actis. Legendi sunt deniq; scho-
lastici, & eorum pater *Petrus Lombardus*, & libri
illi, quos synagogæ Rom. patroni post imposturas
eiusdem detectas scripserunt.

Ne autem vel rerum varietas confusionem pa-
riat, vel effluat quod semel legimus & memorie
mandauimus, maximè vtile erit quæcunque vel
ad religionem pertinent, vel ad mores, ea in locos
coniungere communes, & ad singulos locos, loco-
rumque capita, singula testimonia & exempla re-
ferre. Ita tamen, vt primum locum scripturis tri-
buamus, ex quibus solis arma aduersus impieta-
tem & improbitatem efficacia petuntur; deinde
vt post scripturas describamus testimonia patrum,
Vbi, si opus est, distinguere possunt acta concilio-
rum, & narrationes ex ecclesiastica historia à reli-
quis patrum scriptis. Tertium locum tribuemus
dictis hominū politicorum & ethnicorum: quod
fiet quando res nobis eam facultatem præbet. Po-
stremum assignabimus confessionibus aduersa-
riorum.

Præter lectionem præterea necessarium erit
doctores adhibere. Neque enim omnia nouitij,
licet alioqui in philosophiæ & artium curriculo
probè exercitari, per se possunt. Audiendi ergo
sunt theologiæ professores, & verbi dei conciona-
tores maximè insignes, & percontandi sunt illi,
quorum

quorum usus & doctrina in rebus theologicis singularis videtur.

Postquam verò audiendo, & percontando, & legendo theologiæ studiosi & scripturas intellexerint, & patrum ecclesiæ, aliorumque scriptorum ecclesiasticorum libros euoluerint, sibi que præsidia omnia, quæ ad theologiæ scientiam necessaria videntur, compararint; tunc & in colloquijs priuatis, & in publicis disputationibus, & concionibus seipsos exercent. Neque tantum dicendo, sed etiam scribendo & veram fidem probare, & hæreses refellere debent. Ad hæc ergo parati & instructi accedant; si theologorum officium tueri instituerint. Si autem in publicum prodire primis tyrocinij sui temporibus timuerint; non inutile erit primò, priuatim aliquos docere. Docendo enim alios non rarò plus illi, qui alios docendos suscipiunt, discunt & proficiunt, quàm qui ipsos audiunt, & ad discendum accedunt. Possunt etiam inter se aliquot adolescētes theologiçi studij candidati periculum facere priuatim, antequam aliquod magnum opus publicè faciendum aggrediantur.

1. Tim. 4.

Atque hæc fere apostolus in episcopo & ecclesiæ pastore postulat, vt nos in epistola ad Timotheum docet. *Dum venio* inquit, *attende lectioni, exhortationi & doctrinæ.* Hæc itaque omnes theologiæ studiosi attendere debent. Lectione enim & quæ necessaria sunt discuntur, & facultas paratur docendi. in exhortatione verò & doctrina, officium pij doctoris consumitur.

CAP.

CAP. IIIL.

Quid in librorum lectione à theologici studij tyronibus vitandum.

TYrones tamen, si sapiunt, non temerè quocunque libros primo suorum studiorum tempore legete præsumunt. Neque enim qui hæreticorum & schismaticorum fraudes ignorant, & vix prima fidei orthodoxæ principia tenent, tutò in hæreticorum & schismaticorum castris versari solent. Inde enim non raro accidit, ut adolescentes imperiti huiusmodi hominum scriptis capti sint, atque ita aut ad hæreticorum prava dogmata delati sint, aut contendendi libidine elati ecclesiæ pacem turbarint, magnumque inimicis gaudium, & pijs scandalum dederint. Vitabunt ergo theologi studij tyrones, si me audient, & hominum impiorum & hæreticorum scripta: neque putabunt se de ijs iudicare posse, quæ non intelligunt. Non legent, inquam, aut impia scripta hominum atheorum, aut impura hæreticorum. Neque existimabunt se, vel ex *Petro Lombardo*, vel ex *Thoma Aquinate*, vel ex *Durando*, vel etiam ex decretis & decretalibus fidei dogmata haurire posse. Multò autem minùs illa vel ex *Eckio*, vel *Caietano*, vel *Roffensi*, vel *Alano*, vel *Gregorio de Valentia*, vel *Roberto Bellarmino* sumi possunt. Superiora enim illa multum fæcis admixtum continent. Posteriorum verò scripta veritatem apertè, & quasi ex professo oppugnant.

Ridicu-

Ridiculum est etiam ex commentarijs & postillis *Caietani, Eckij, Siluestri Prieratis, Royardi, Feri, Toleti, Aræ Montani, Stella, Pinti, Iansenij, Beuxamij, Pererij, Stapletoni*, & huiusmodi pestum, sanæ doctrinæ formam quærere. Omnes enim isti synagogæ Rom. turpissimos errores defendendos susceperunt, iidemque tanquam lenones impuri meretricem magnam omnibus verborum lenocinijs exornare conantur. Si quid autem boni aliquando in eorum scriptis inerat, hoc omne falsarij per indices suos impudentissimè excogitatos expurgarunt.

Quid autem magis insanum, quàm veritatis testimonium à *Laurentio Surio, à Sanderò, Copo, Ribadineira, Horatio Tursellino, & Casare Baronio*, petere? isti enim aduersus veritatem in pontificis Rom. gratiam scripserunt, varijsque fabulamentis, mendacijs & calumnijs ecclesiæ historiam corruperunt.

Primis ergo suorum studiorum temporibus & ante iudicium confirmatum adolescentes theologiæ studiosi nec *Lombardi* legent corruptas & malè contortas ex scripturis & patribus sententias, nec *Gratiani* impudentissimi falsarij rapsodias & centones, nec *Thome Aquinatis* aut *Scoti* reliquorumue scholasticorum sophismata & ineptias, nec interpretum iuris canonici adulationis plenas glossas, nec *Roffensis, aut Alani, aut Stapletoni, aut Gregorij de Valentia*, aliorumue sectæ papisticæ tabularum aduersus ecclesiam dei pugnas & rixosas disputationes. Nec *Copi, aut Sanderi, aut Risbtoni, aut Casaris Baronij* fabulatoris ineptissimi

cisimi mendacia & calumnias, nec postillas stercoreas *Prieratis*, *Granatensis*, *Royardi*, *Feri*, aliorum-
ue Iebusaeorum, nec commentarios *Stelle*, *Pinti*,
Iansenij, *Pererij*, aut huiusmodi venena, nec promp-
 taria *Stapletoni* ex sterquilinio deprompta, nec
 vel exercitia *Iebusaeorum* superstitiosa, vel opuscula
Granatensis puerilia, nec libros resolutionis cœni
 & ineptiarum plenas; nec preculas monachorum su-
 perstitiosas, nec denique aliquod scriptum, quod
 papismi fermentum olet. Papistæ diligenter ca-
 uent, ne aliqua hominum orthodoxorum scripta
 ad suos perueniant. Idem etiam maximis propo-
 sitis prenis populum à lectione librorum, quos
 nostri homines ediderunt, deterrent. Nihil est er-
 go quod ipsi reprehendant, aut ægrè ferant, quod
 hæc venena & pestifera scripta prohiberi velimus.
 Neque sane mirum videri debet, si hoc theologiæ
 studiosis præscribamus. Quis enim vel sine peri-
 culo ædes pestilentes ingredi, vel tuto venena
 tractare potest, qui non antea antidotis munitus
 illa in manus sumit? non legent præterea libenter
 schismaticorum libros, cuius generis in manibus
 multorum versantur plurimi vel à disciplinarijs,
 vel à Donatistis, & Anabaptistarum discipulis e-
 diti. Nam qui frequenter leprosos adeunt, & cum
 eis libenter versantur, eorum sibi scabiem plerum-
 que affricant.

Inutiliter denique patrum commentarios ab
 ijs perlegi censeo, qui sine delectu omnes patrum
 libros perlegunt, nec ad alicuius vel loci explica-
 tionem, vel quæstionis dijudicationem, quæ maxi-
 me apta videntur, eligunt. Antequam ergo vel
 ad

ad scripturæ explicationem, vel ad controuersie alicuius examinationem peruentum erit, patrum scripta potius degustanda, quàm diligenter excutienda & perlegenda censeo.

CAP. V.

Qui libri à theologia studiosis potissimum legendi, & quo ordine.

NON tamen hæc in eam partem accipi volo, quasi vel nefas esse putem aduersariorum scripta in manus sumi, vel metuum causæ nostræ examen; sed quod nolim ea legi ab eis, qui propter infirmitatem iudicij faciliè quamuis noxiam opinionem imbibunt, & huiusmodi venena acutè discernere & examinare non possunt. Ab ijs autem qui aliquot annos in studiorum theologicorum curriculo versati sunt, magno cum fructu legi posse iudico. Valde enim confirmatur nostra fides, quando videmus aduersarios nihil habere solidi quod opponant, & intelligimus *Bellarmini* & *Baronij* & lociorum causam abiquè scripturæ deprauatione, patrum adulteratione, imposturisque, fraudibus & calumnijs apertissimis stare non posse.

Ad patrum verò lectionem omnes hortor. inde enim videre licet, qua fraude & violentia patrum testimonia ab aduersarijs contra eorum sententiam torqueantur. Sed tunc eorum scripta in manus summi cupio, quando maxime prodesse possunt. Præterea eo modo & ordine legi volo, quem ad veritatis confirmationem, & falsitatis euer-

erfionem experientia edoctus maximè vtilem & efficacem esse comperi.

Sed primò theologi scripturas canonicas accurate legere debent. nam hoc omnium est christianorum, scripturas diligenter legere & audire. *In mandatis tuis exercebor* inquit ^a propheta, & *considerabo vias tuas*. Et ^b Dominus postulat, *ut lex sua sit populo suo in ore semper*. Maximè verò hoc ad theologiæ studiosos pertinet, qui alios docendi munus in se suscipere instituunt. Legant ergo primò scripturas noui & veteris testamenti, easque ad certa capita referant. Summa verò capita partim in lege continentur, partim in symbolo fidei. Hæc itaque & exactè tenenda sunt, & danda opera est, ut omnes scripturæ ad cerra loca referantur. Scripturæ verò aut per se claræ sunt, ut quæ continent præcepta morum, & præcipua capita fidei christianæ, aut obscuræ. Illæ facile intelliguntur: istæ, licet primo aspectu difficiles videantur; tamen vel ex locorum collatione, & eorum, consideratione, quæ diximus, vel interpretum auxilio & opera intelligi possunt. Ad locorum ergo obscuriorum intelligentiam nonnunquam consulenda sunt patrum commentaria, nonnunquam ad annotationes & expositiones piorum doctorum nostri temporis recurrendum est. Ridebunt quidem aduersarij, quando intelligent nos, tyrones in hoc studio ad scripta *Lutheri, Zuinglij, Caluini, Melancthonis, Pomerani, Bullingeri, Petri Martyris, Bucerii, Oecolampadij, Musculi, Gualteri, Beze*, aliorumque orthodoxorum remittere. Sed rident illi & deum, & sanctam Christi religionem. Hoc sanè certum

certum est ipsos ad *Origenis* & *Ambrosij* patrumque commentaria multa addidisse, scripturarumque sententiam literalem fideliter exposuisse. Quod & ipsorum aduersariorum testimonio liquet. nam quicquid vel *Caietanus*, vel *Ferus*, vel *Toletus*, vel *Arias Montanus*, vel *Pererius*, vel *Pintus*, vel *Iansenius*, vel *Stella*, vel alius ex omni aduersariorum numero interpretes opportunè dixit, aut ad scripturæ aliqua loca annotauit, hoc ferè omne, licet ipsi hoc negent, & dissimulent, ex nostrorum hominum commentarijs transtulisse videntur, ut ex locorum collatione facile colligere licet.

In lectione verò interpretum hæc diligenter obseruanda sunt. *Primo* non temere sequendæ sunt vel veterum, vel recentiorum interpretationes propter ipsorum auctoritatem, sed quia cum scripturæ sententia optimè conueniunt. Sin autem aut violentæ videantur, aut cum scripturis & regula fidei pugnent, reiiciendæ sunt. *Secundo* non leuiter omnes interpretationes reiiciendæ sunt, quæ in patrum commentarijs non habentur, modo ex sacræ scripturæ verbis deduci possint. Non semper enim patres literaliter scripturas exponunt, nec ita se probari voluerunt, ut excludant ceteros. *Tertio* ut non sint contemnendæ veteris ecclesiæ traditiones & mores, ita grauiter delinquunt, qui traditiones eas pari affectu cum sacris scripturis recipiunt, & eas conclusionibus ex scripturis deductis aut æquant, aut anteponunt. *Quarto* ridiculum est scripturæ sensum ex decretalibus pontificum Rom. suspendere, aut nullum sensum probare, nisi quem synagoga Rom. docet.

Quinto

Quinto pontificum Rom. glossis & expositionibus longè anteponenda sunt veterum patrum commentarij & interpretationes. *Sexto* vbi interpretum discordes sunt sententiæ, illæ interpretationes maxime probandæ sunt, quæ ex litera scripturæ deducuntur, & cum priscæ ecclesiæ praxi maxime consentiunt. *Septimo* non semper pro scripturæ sensu recurrendum est ad interpretes, multa enim per se lucent, nec egent interpretum illustratione. *Postremo* vt scripturis solis fidem habere debemus sine vlla disquisitione, sic hominum commentarijs & interpretationibus non aliter confidere debemus, nisi quatenus ex scripturis demonstrari possunt.

Post scripturas verò canonicas legi possunt libri *Tobias, Iudith, Sapientie, Ecclesiastici, Machabæorum, liber etiam tertius & quartus Esdræ*, & fragmenta illa, quæ in vetere latino interprete ad reliquum bibliorum sacrorum corpus attexta sunt. Libros enim illos, licet non omnino pares essent canonicis scripturis, ecclesia tamen legi voluit, quia multa continent, & ad morum correctionem opportuna, & ad historiam illorum temporum cognoscendam non inutilia. *Legi voluerunt*, inquit author expositionis fidei apud Cyprianum, *in ecclesijs, non tamen proferri ad auctoritatem ex his fidei confirmandam*. Inde etiam patres testimonia plurima desumpsisse leguntur.

Tertium verò locum ijs tractatibus tribuimus qui vel à patribus, vel ab hominibus orthodoxis nostri temporis de fidei doctrina, aut aliquo eius doctrinæ capite edita sunt. In hoc numero ponenda

nendæ sunt *Lactantij* diuinæ institutiones, *Athanasij* de verbi incarnatione, & alia opuscula nonnulla, *Nazianzeni* orationes de theologia, *Ambrosij* libri de fide, *Hieronymi* epistolæ plurimæ in quibus quæstiones variæ de fide explicantur, *Augustini* libri de ciuitate dei, de doctrina christiana, de vera religione, de catechizandis rudibus, de fide ad Petrum, & quæ sunt eiusdem argumenti. Addi etiam potest eiusdem enchiridion ad *Laurentium*, & scriptum *Damascenti* de fide orthodoxa, & si quod aliud eiusdem generis habeatur apud patres. Hæc autem tunc maximum fructum afferunt, cum non à capite operum alicuius authoris leguntur, sed ad explicationem alicuius dogmatis, quod à papistis, alijsque hæreticis in controuersiam vocatur, adhibentur. Ad hunc locum denique pertinent *Melancthonis* & *Musculi* loci communes, confessiones fidei ab ecclesijs reformatis editæ, *Zanchi* libellus de doctrina christiana, eiusque opuscula miscellanea, *Caluini* institutiones, & si quæ alia eius generis scripta ab hominibus orthodoxis edita fuerint.

Quantum locum occupant historię ecclesiasticæ, multum enim valet ad mores ecclesiæ reformandos, & superstitiones antiquandas ecclesiasticæ historiæ notitia. Cum patrum ergo tractatibus de fide coniungent etiam theologiæ candidati historias ecclesiasticas *Ensebij*, *Ruffini*, *Socrati*, *Theodoreti*, *Sozomeni*, *Euagrii*, & *Nicephori*. Legent etiam *Epiphani*, & *Augustini* libros de hæresibus, vt hæreses cauere discant, actaque & canones conciliorum vetustissimorum, præsertim quæ
apud

apud probatos auctores existant, & non tantum in conciliorum tomis recenter editis continentur. Hæc enim ut plurimum suspecta sunt, nonnunquam apertè corrupta videntur. Cum istis coniungere licet centurias *Magdeburgensium*, *Functium*, *Sleidanum*, & licet reclamant papistæ & ringantur, acta martyrum *Gallia*, & *Ioannis Foxij* locupletissimos commentarios, & huiusmodi scripta fide digna. Ex eis enim *Cæsaris Baronijs*, qui ut olim *Julius Cæsar* decem militum legiones aduersus temp. sic decem mendaciorum legiones aduersus ecclesiam instruxit, *Onuphrij*, *Laurentij Surijs*, *Augustini Steuchi*, *Platina*, *Anastasijs*, & eius farina hominum, qui pontificibus Rom. omnia assentari solent, & meritorium esse putant pro causa synagoga Rom. mentiri, luculentissima mendacia & fabulamenta homines sagaces deprehendere & refellere poterunt.

Quinto loco sequuntur scripta aduersus hæreticos & homines impios edita, siue illa patres antiquos, siue nostri temporis homines orthodoxos auctores habuerint. Neque enim plus iuuat scire, quid olim *Irenæus*, *Tertullianus*, *Origenes*, *Atanasius*, *Epiphanius*, *Hieronymus*, *Ambrosius*, *Augustinus*, & alij antiqui patres aduersus *Marcionistas*, *Collyridianos*, *Pelagianos*, *Arrianos*, aliosque præscos hæreticos, quam quid recentiores auctores aduersus nuper pullulantes *Arrianos*, *Manichæos*, *Collyridianos*, *Pelagianos*, & *Papistas*, & eius generis hæreticos scripterunt. Neque enim aliud est *Papismus*, quam *Pelagianismus*, *Manicheismus*, aliarumque hæreseon farrago. Ad hæreses præte-

rea apertam impietatem & idololatriam addidit
secta ista. Diligenter ergo & *Lutheri*, & *Zuinglij*,
& *Caluini*, & *Petri Martyris*, & *Cranmeri martyris*,
& *Chemnitij*, & *Iuelli*, & *Fulki*, & *Sadeelis*, & *Beza*,
& *Whitakeri*, & *D. Philippi Mornai*, & *Rainoldi* no-
stri aliorumq; christi ecclesie athletarum doctis-
simæ disputationes legendæ & cognoscendæ sunt.

In patrum verò scriptis cauendum primò, ne ti-
tulis decepti adulterinos pro veris probemus. De-
inde ne codices recentiores à synagoga Rom. sal-
sarijs variè mutatos, & interpolatos, & planè cor-
ruptos simpliciter admittamus, nisi quatenus ex
lectione antiquorum codicum confirmantur. Tertio
ne patres Græcos à sectæ pontificiæ hominibus
in linguam latinam versos sine diligenti examina-
tione legamus, ubi Græca exemplaria haberi pos-
sint. Quarto ne patrum errores sine iudicio se-
quamur. Quinto ne omnes putemus vnum & i-
dem sensisse, quia nonnunquam duo aut tres con-
sentiunt. Sexto ne patrum dicta temerè rejicia-
mus, quia primo aspectu malè sonare videntur.
Candide enim interpretanda sunt dicta patrum.
Postremo ne hominum incerta iudicia & scripta
scripturis authenticis paria faciamus.

Post scripturas denique & scripta ecclesiastica
patrum, & hominum recentiorum orthodoxorum
cōmentarios & tractatus siue de fide, siue de mo-
ribus, & post historias ecclesiasticas, & libros pio-
rum doctorum aduersus idololatriam & hæreses
vel olim, vel recenter editos, turè legere licet, &
Lombardi sententias, & *Thome Aquinatis* & *Scoti*
& *Bonaventuræ* & *Durandi* aliorumque scholasti-
corum

corum degeneres & cum philosophiæ & iuris pontificij fermento commixtas & conspurcatas tractationes & commentationes. Licet etiam percurrere *Gratiani* centones & pontificum Rom. pseudepigraphas epistolas, totumq; ius ut dicitur canonicum cum glossis & commentarijs canonistarum. Hic etiam locum habere possunt acta conciliorum mendosa vel à *Petro Crabbe*, vel ab alijs in lucem edita, & *Legendæ* synagogæ Rom. & huiusmodi fabulamenta & mendacia. Legi etiam possunt & *Silvestri Prieratis* & *Antonini summe*, & *Hosij* & *Hardinghi* & *Sanderi* & *Aloni* & *Gregorii de Valentia* & *Bellarmini* & *Stapletoni* & huiusmodi pestium venena, quæ ipsi aduersus veritatem effuderunt. Neque negamus lectionem vel *Surij*, vel *Cesaris Baronij* cum suis mendaciorum & legendarum legionibus, vel *Iacobi de Voragine*, vel *Horatii Tursellini*, aut alicuius legendarij aut fabulatoris inspectionem. His denique addi possunt aduersariorum purulentæ postillæ, & commentarij multiplices hæreseôn & superstitionum facie corrupti & commaculati. Neque enim periculum est, ne eorum fides, quæ supra scripturas, tanquam super immobilem petram fundata est, vacillet propter falsariorum corruptelas & mendacia. Imo contrà multum veritatis studiosos in fide confirmabit quando videbunt illos scripturis vim afferre, patres lacerare, noua deliramenta defendere, bonos viros calumniari, apertè mentiri, & non cum alijs tantum, sed cum seinuicem digladiari. Aliquando etiam cernent ipsos papistas in maximis controversijs claram pro nostra

stra sententia confessionem edere. Ex comparatione denique *Lombardi* cum scholasticis, & scholasticorum cum recentioribus scriptoribus, & horum omnium cum patribus antiquissimis; reperient quibus gradibus antichristus, eiusque affectus veteris theologiæ finibus & rationibus mutatis fidem adulterarunt & confusionem Babylonicam in ecclesiam introduxerunt. Patres enim in certamine fidei ad scripturas semper tanquam ad asylum confugerunt, neque ex alijs principijs illi hæreticos profligarunt. maiorum verò suorum nomina ne citarunt quidem, nisi quādo hæretici ad patres prouocarunt. De pontificum Rom. præterea decretalibus mirum est apud eos silentium. *Petrus* verò *Lombardus* longè aliam rationem sequuntur videmus. Is enim nonnunquam pontificum Rom. decretales citat, & patrum testimonia penè sacris scripturis æquat. Iolum hoc habet boni, quod philosophiæ fermentum rebus theologicis non admiscet. At eius discipuli vocem pontificis Rom. tanquam ipsius Christi venerantur, iidemque à principijs philosophicis & verbis *Aristotelis*, aliorumque philosophorum non minus, quàm à Dei oraculis argumentantur. *Thomas Aquinas* in 1.^a & secunda secundæ summæ theologiæ conclusiones plurimas tenet philosophicas. Eandemque rationem sequuntur reliqui omnes scholastici. At nunc *Iebusei*, qui in bello papali antesignani videntur, reliquique causæ pontificiæ actores nec patres, nec philosophos vnus assis faciunt, vbi contrariam sententiam tenent pontifices Rom.

Ex origine verò iuris canonici, quod Gregorium nonum, Bonifacium octauum, Clementem quintum, Ioannem 22. & recentiores pontifices Rom. authores habet, agnoscimus eorum tyrannidem nouam esse. Idem etiam ex historia ecclesiæ liquet. Nihil denique magis vel aduersarios vrit, vel nostram causam confirmat, quàm quod ex ipsis causæ pontificiæ patronis constat eam absque perfidia, mendacio, & violentia stare non posse.

CAP. VI.

De locis theologicis eorūque numero & ordine.

SED quia frequens lectio carnis est afflictio, vt inquit ecclesiastes, & nullus libenter multum laborat, nisi multum utilitatis inde speret; ratio aliqua ineunda est, vt ex vigilijs & laboribus nostris in lectione frequenti exantlatis debitos & dignos fructus percipiamus. Hoc autem consequuturi videmur, si post primam scripturarum lectionem, & patrum, aliorūque authorum, quos diximus, scripta leuiter degustata, ea omnia, quæ vel in scripturis, vel patribus animaduersione digna videbuntur ad certos locos & capita reuocemus, & in libro aliquo describamus.

^a Eccles, 12.

In locis verò communibus hæc potissimum spectanda sunt, primum vt certum numerum locorum nobis constituamus, ad quos omnia referantur, quæ vel ad fidem pertinent, vel ad mores. Deinde vt eos modo & ratione certa tractemus. Et postremò vt quæ utilitas ex testimonijs & exemplis in suos locos digestis & dispositis proue-

niat demonstramus. Qua in re, ne alijs leges novas præscripsisse videamur; non tantum quid nos probemus, sed etiam quid viri docti & pij antea nos sequuti sint, ostendemus. Neque enim vel antiqui, vel recentiores ecclesiæ doctores, vel in numero, vel in ordine locorum theologicorum consentiunt.

Augustinus in enchiridio ad *Laurentium* tractat primò de theologia in genere, seu de vera sapietia, quæ in vero dei cultu posita est. 2. de fide, spe, & charitate, in quibus Dei cultus consistit. 3. de creatione mundi & causis boni & mali. 4. de peccato *Adami*, lapsu malorum angelorum, & libero hominis arbitrio. 5. de *Christo* mediatore & ejus incarnatione. 6. de regeneratione. 7. de peccato originali & actuali. 8. de *Joannis* Baptismo. 9. de resurrectione & ascensione Christi. 10. de iudicio ultimo. 11. de spiritu sancto. 12. de ecclesia. 13. de bonis angelis & nostra cum eis reconciliatione. 14. de peccatorum remissione. 15. de purgatorio, an sit. 16. de eleemosyna. 17. de vario peccatorum genere & poenitentia publica. 18. de peccato in spiritum sanctum. 19. de resurrectione carnis. 20. de vita æterna. 21. de omnipotentia Dei. 22. de gratia & prædestinatione sanctorum. 23. de voluntate Dei. 24. de præscientia Dei. 25. de voluntate humana. 26. de statu animarum post mortem. 27. de oratione dominica. 28. de charitate. 29. de baptismo. Hinc ergo conijcere licet *Augustinum* sequutum esse in plurimis locis ordinem symboli, & reliqua ferè ex occasione adieciſſe.

In libro verò de fide ad *Petrum Diaconum, Augustinus*, si modo liber ille sit Augustini, hunc ordinem mutasse videtur. Nam ibi differit *primò* vnum esse Deum & tres personas, & ea tractat quæ ad essentiam & naturam Dei attinent. *Secundo* agit de æterna filij ex patre generatione, & spiritus sancti à patre & filio processione. 3. de incarnatione filij Dei. 4. de vna in Christo persona, & duabus naturis sine confusione in ea manentibus. 5. de Christo in omnibus veterum sacrificijs figurato, & humanitate Christi nunquam à verbo dimittenda. 6. de natura angelorum & hominum primorum, & omnium creaturarum, cum ante lapsum, tum postea. 7. de originali peccato & damnatione eorum, qui absque baptismo moriuntur. 8. de resurrectione. 9. de necessitate fidei, baptismi, & pœnitentiæ. 10. de gratia Dei necessaria ad conversionem & bona opera. 11. de vniuersali Dei notitia. 12. de prædestinatione, & prædestinatorum beatitudine. 13. de baptismo & eius effectu. 14. de peccati generali contaminatione. 15. de abstinentia à cibis & nuptijs. 16. de ecclesia denique, in qua sunt boni & mali.

Ioannes Damascenus in libris de fide, agit *primò* de sacra scriptura. *Deinde* de vno Deo & tribus personis, deique natura & attributis. 3. de mundi creatione, angelisque bonis & malis. 4. de de creaturis visibilibus. 5. de paradiso, & de homine, eiusque partibus, partiùmque secundum varia tempora facultatibus. 6. de Dei prouidentia, præscientia, & prædestinatione. 7. de reparatione hominis per Christum. 8. de Christi incarnatione, duabus
in

in Christo naturis, & vna persona. Item de morte & descensu Christi ad inferos, eiusdemque ascensione in coelos. 9. de fide & baptismo. 10. de eucharistia. 11. de antichristo. Et postremò de resurrectione mortuorum, & vita aeterna.

Philippus Melancthon, cuius locos *Lutherus* valde probauit, in primo loco de vno Deo agit & tribus personis, patre scilicet, filio & spiritu sancto. in 2. de rerum creatione, conseruatione & gubernatione. in 3. de causa peccati & contingentia in rebus. in 4. de libero hominis arbitrio & viribus naturæ humanæ. in 5. de peccato cum originali, tum actuali. in 6. de lege Dei. in 7. de euangelio. in 8. de gratia & iustificatione. in 9. de bonis operibus. in 10. de discrimine veteris & noui testamenti. in 11. de peccato mortali & veniali. in 12. de ecclesia, eiusque signis. in 13. de sacramentis. in 14. de prædestinatione. in 15. de regno Christi. in 16. de resurrectione mortuorum. 17. de spiritu & litera. in 18. de cruce. in 19. de oratione. in 20. de magistratu. in 21. de ceremonijs ecclesiæ. in 22. de mortificatione carnis. in 23. de scandalo. in 24. & postremo de libertate Christiana.

^a In institutionibus relig.

^a *Calvinus* totam Christianæ religionis summam vel in cognitione dei creatoris, vel in cognitione dei redemptoris, vel in modo pereipiendi gratiam Christi, vel denique in externis medijs ad salutem requisitis positam putat. Atque ad hæc summa capita reliqua omnia religionis christianæ dogmata refert.

^b In loc. communib.

^b *Musculus* primum locum tribuit tractatui de dei essentia & tribus personis. Deinde agit de creatione

tione angelorum & hominum, quorundamque
 angelorum & primi hominis casu. 3. de libero ar-
 bitrio & de peccato. 4. de decalogo & alijs legi-
 bus. 5. de nouo & veteri testamento. 6. de gratia
 dei. 7. de redemptione generis humani. 8. de sa-
 cris scripturis & ecclesie ministerio. 9. de fide. 10.
 de electione & reprobatione. 11. de pœnitentia.
 12. de iustificatione. 13. de meritis & operibus
 bonis. 14. de remissione peccatorum. 15. de sacer-
 dotio noui testamenti. 16. de ecclesia. 17. de sacra-
 mentis in genere. 18. de baptismo & cœna domi-
 ni. 19. de missa papistica. 20. de vero & falso dei
 cultu. 21. de noua doctrina & traditionibus ho-
 minum. 22. de nomine & natura dei. 23. de suffi-
 cientia & omnipotentia dei. 24. de voluntate dei.
 25. de veritate, bonitate, & amore dei erga homi-
 nes. 26. de misericordia dei. 27. de potestate ac
 dominio dei. 28. de iustitia dei. 29. de providen-
 tia & præsentia dei. 30. de ira & iudicijs dei. 31. de
 cognitione dei. 32. de spe & desperatione. 33. de
 dilectione & timore dei. 34. de obedientia. 35.
 de oratione & votis. 36. de afflictionibus & per-
 secutionibus & patientia. 37. de hæresi & schis-
 mate, & postremo de magistratibus.

Petrus Lombardus in libris *sententiarum* vulgò
 dictis non longè à Damasceni vestigijs recedens
 loquitur primo de deo, seu de dei essentia. Deinde
 de trinitate, patre scilicet, filio, & spiritu sancto, &
 de modis loquendi de vna dei essentia & tribus
 personis. 3. de scientia & præscentia dei. 4. de
 providentia dei. 5. de prædestinatione. 6. de om-
 nipotentia dei. 7. de voluntate dei. 8. de creatione
 &

& rebus creatis. 9. de angelis bonis & malis. 10. de
 cœlo, aqua, terra, & animalibus. 11. de hominis na-
 tura & ante lapsum, & post lapsum. 12. de libero
 arbitrio & hominis volūate. 13. de gratia. 14. de
 peccati partibus & causis. 15. de Christi concepti-
 one, natiuitate, duabus naturis, vna persona, sapi-
 entia & naturæ humanæ in christo qualitativis.
 16. de Christi passione & morte & salutaribus eius
 effectis. 17. de fide, spe, & charitate. 18. de iustitia,
 fortitudine, prudentia & temperantia. 19. de do-
 nis spiritus sancti, virtutumque omnium inter se
 connexionem. 20. de decalogo. 21. de legis & e-
 uangelij discrimine. 22. de natura sacramenti &
 differentia sacramentorum veteris & nouæ legis.
 23. de baptismo. 24. de confirmatione. 25. de eu-
 charistia. 26. de pœnitentia & eius partibus, & de
 purgatorio. 27. de vnctione extrema. 28. de ordi-
 ne. 29. de sponsalibus, coniugio & diuortio. 30. de
 resurrectione mortuorum. 31. de iudicio extre-
 mo. 32. de receptaculis animarum post mortem.
 33. de gloria piorum in futuro seculo. Et postremo
 de pœnis impiorum & sceleratorum.

Hunc quoque aliqua ex parte sequutus vide-
 tur *Thomas Aquinas* in *summa theologia*. Sic enim
 ille sua sophismata & disputationes metaphysicas
 inscripsit. Non nihil verò de suo addidisse videtur.
 De cognitione dei acturus, quam in sacris scriptu-
 ris contineri certum est, primò quæstiones quas-
 dam proponit de sacra scriptura. Sed eam leuiter
 attingit, utpote qui ex philosophiæ principijs &
 pontificum Rom. placitis non minus, quàm ex
 verbis scripturæ argumentando procedit. Deinde

in prima parte summæ agit de deo : in secunda de motu rationalis creaturæ in deum (nam sine christo ille fortasse putauit creaturas per virtutes moueri in deum) in tertia parte de christo differit, per quem tenditur in deum. Rursus in prima parte querit *primò* de deo, an sit, 2. de dei simplicitate, perfectione, bonitate, infinitate, existentia in creaturis, immutabilitate, æternitate & virtute. 3. de cognitione & visione dei. 4. de nominibus dei. 5. de scientia dei. 6. de ideis. 7. de veritate dei. 8. de vita dei. 9. de voluntate dei. 10. de amore dei. 11. de iustitia & misericordia dei. 12. de prouidentia dei. 13. de prædestinatione. 14. de libro vitæ. 15. de potentia dei. 16. de beatitudine dei. 17. de processione diuinarum personarum (ita enim loquitur, licet pater à nullo procedat.) 18. de relationibus diuinis. 19. de personis diuinis, vbi de patre, filio, verbo, imagine patris, de nominibus spiritus sancti, de comparatione personarum ad essentiam dei, & personis in comparatione ad relationes & actus notionales, & de æqualitate & similitudine personarum ad se inuicem multa verba facit. 20. de creatione rerum. 21. de causa mali. 22. de angelis bonis & malis, & eorum existentia in loco, & de cognitione & voluntate eorum, & de pœnis angelorum malorum. 23. de creatione naturæ corporeæ. 24. de vnione rationalis animæ ad corpus, & de eiusdem potentijs. 25. de voluntate & libero arbitrio. 26. de statu primi hominis, & de paradiso. 27. de actu & ordinatione & missione angelorum. & *ultimò* de propagatione hominis.

In secunda parte summæ suæ agit *primò* de virtutibus & vitijs in genere, & *secundò* de eisdem in specie, sed prolixè, & confusè, & vitiosè.

In tertia parte tractat *primò* de Christi incarnatione, rebus gestis, passione & morte: *deinde* de sacramentis: & *postremò* de resurrectione, & ijs quæ eam consequuntur. Quæ autem ipse morte abreptus non potuit, hoc alius suppleuit. Nos autem singulorum capitum & articulorum secundæ & tertiæ partis *summæ Thomæ Aquinatis* descriptionem & recensionem, quia in hoc compendio vix capi posse videntur singula, omittimus. Vos omnia sigillatim ab ipso, si libet, petere poteritis. Qualem autem ordinem in rerum theologicarum tractatione secutus sit, ex ipsius magistro Petro Lombardo & Damasceno conijcere licet. Nam præter nouas & inutiles, & vt plurimum insulas quæstiones & additiones, nihil habet *Thomæ* nisi quod ab ipsis videtur translatum. Hunc tamen nunc omnes nostri & veritatis aduersarij certatim sequi solent, tanquam scholasticæ *metæologie* singularem ordinatorem & architectum.

Ex istis optima quæque theologiæ studiosi delibare possunt. Si quæ autem alicubi desint, ea supplebunt ex reliquis; si quæ redundant, carelebunt. Sin autem aliqui quærant, quos locos theologicos, & quem in locis illis digerendis ordinem nos ipsi maximè probemus: sciant ipsi nobis auctores illos maximè placere, qui in patetissimos locos omnem theologiæ thesaurum contraxerunt, & illum ordinem probari maximè, qui primum locum tribuit scripturis siue verbo dei (inde enim
omnis

theologici ratione.

omnis doctrina ad salutem necessaria peti potest) secundum deo, Tertium rerum creationi & creaturis, quartum ecclesiæ, quintum legi, sextum evangelio, septimum sacramentis, vltimum extremo iudicio. Nullum est enim religionis christianæ dogma, quod non in vnum aliquod horum locorum incidit.

C A P. VII.

De locorum communium tractatione.

QUoniam verò non satis est locus theologicos inuenire & ordine certo digerere, nisi certò sciamus quomodo loci singuli articulatim tractandi sunt; idcirco de modo & ratione tractandi locos communes nonnihil addendum videtur. In loco ergo de scriptura siue de verbo dei ostendemus *primò* verbum dei, quod nunc omnes probare & sequi tenentur, tantum contineri in scriptoris Canonici veteris & noui Testamenti. 2. illud diligenter esse audiendum & legendum. 3. illud non ab hominum decretis auctoritatem habere, sed ab ipso deo. 4. ex auditu & lectione scripturæ sacræ fidem gigni & mores reformari. 5. codices biblicorum originales magis esse authenticos, quàm versionem latinam à conuenticulo Tridentino approbatam. 6. versionem latinam biblicorum, quæ vulgata dicitur, non esse vbiq; authenticam. 7. scripturas in linguas vernaculas esse vertendas, vt eas passim Christiani legere, & publicè lectas intelligere possint. 8. scripturas publicè non esse legendas in lingua populo christiano, qui
ad

ad eas audiendas conuenit, non intellecta. 9. scripturas ita esse claras & perspicuas, vt eas omnes christiani vtiliter legere possint. 10. singulas ecclesias ecclesiarumque episcopos potestatem habere interpretandi scripturas. 11. synagogā Rom. non esse optimā interpretem scripturarum. 12. non habere eam summam potestatem iudicandi de sensu scripturarum. 13. scripturas continere omnia dogmata ad salutem necessaria. 14. traditiones non scriptas non esse pari affectu recipiendas, ac verbum dei. 15. libros *Tobie, Iudith, Sapientia, Ecclesiastici*, tertium & quartum *Esdrae*, duos libros *Machabaeorum*, fragmentaque quae ad codices originales attextuntur à veteri bibliorum interprete latino, non mereri parem fidem & authoritatem cum canonicis scriptoris. 16. ex verbo dei haberi dei cognitionem, & scientiam ad salutem necessariam.

2.

In loco de deo, cuius omnis vera notitia ex scripturarum scientia comparatur, docebimus primo deum esse aduersus atheos; idque non tantum ex scripturis, sed etiam ex operibus dei, & rationis luce. Secundo hunc deum vnum esse & trinum. 3. & filium, & spiritum sanctum verum esse deum patri consubstantialem, & coeternum. 4. deum esse spiritum. 5. esse ipsum perfectissimum. 6. esse omnis bonitatis fontem. 7. esse immutabilem. 8. esse infinitum. 9. esse aeternum. 10. ipsum omnia scire. 11. esse ipsum verum, & veritatis fontem. 12. eius voluntatem esse omnium rerum causam. 13. non esse ipsum causam peccati. 14. esse ipsum iustum & scelerum vindicem. 15. esse

15. esse misericordem erga omnes. 16. ipsum ante mundi fundamenta iacta alios elegisse, alios reprobasse. 17. deum electos in libro vite scripsisse. 18. esse omnipotentem. 19. esse beatum & beatitudinis fontem. 20. esse totius mundi creatorem & dominum. 21. ipsum omnia videre curare & regere. 22. dei essentia oculis corporeis videri non posse. 23. in cognitione dei sitam esse salutem & vitam eternam. 24. ipsum esse supra omnia amandum. 25. deo soli religionis cultum esse exhibendum. 26. ipsum assidue esse colendum, idque quomodo ipse prescripsit. 27. deum in cultu invocationis & confessionis & laudis socios non admittere. 28. ipsam ecclesiam suam curare, amare, tueri. 29. ipsum ecclesiam ex omnibus periculis tempore opportuno eripere. 30. ipsum fideles gratuito vocare, iustificare, glorificare. 31. ipsum benedicere timentes se, eosque in angustiis positos consolari & liberare. 32. ipsum premijs homines pios afficere, ipsum denique odio habere iniquitatem, & homines impios & in hac vita & in futura punire.

In loco de creatione & creaturis ostendendum erit primo, & mundum & omnia quae in mundo sunt, cum visibilia tum invisibilia a deo esse creatae. 2. angelos siue creaturas invisibiles esse spiritus ministratorios pro salute electorum. 3. ordines esse & gradus angelorum, sed ex verbo dei non constare, quot sint, vel quae sint singulorum graduum distincta officia. 4. angelos nonnunquam corpora assumere, licet incorporei sint. 5. diabolum primo fuisse bonos angelos, sed culpa sua cecidisse.

disse. 6. non esse adorandos aut inuocandos vel malos, vel bonos angelos. 7. malos angelos nunquam esse reparandos, aut saluandos. 8. mundum non esse creatum ab angelis aut virtutibus creatis. 9. non fuisse omnia in eodem instanti, aut eodem die condita. 10. animas hominum nec à principio fuisse creatas simul, neque nunc ex traduce oriri. 11. hominem creatum fuisse rectum & iustum. 12. paradysum in quo Adam collocatus est, nunc in terris non existere, multo minus in aëre. 13. hominem post lapsum amisisse iustitiam originalem & arbitrij libertatem, in qua primum creatus est. 14. omnes homines communi nascendi lege procreatos in peccato nasci originali, & non posse nunc homines viribus liberi arbitrij aut quod verum est cognoscere, aut quod bonum est & iustum, in rebus saltem spiritualibus, perficere. Et *denique* non posse nunc quemquam sine dei gratia aut æternam vitam adipisci, aut quæ ad eam adipiscendam pertinent, operari.

4. Vbi de ecclesia tractabimus, ostēdemus primò, esse quandā ecclesiam & sanctorum congregationem, eamque & à principio mundi fuisse, & semper futuram esse, vtpote super petram fundatam. 2. eius vera membra non esse sceleratos & impios & reprobos, licet nobiscum eandem fidem profiteantur, & eadem sacramenta participant, sed pios & electos ad æternam vitam. 3. ad eam omnes accedere debere, vtpote domum dei, ciuitatem sanctam, corpus Christi mysticum, columnamque & firmamentum veritatis. 4. eam fundatam esse super Christum, doctrinamque Prophetarum & Apostolo-

postolorum, & non super pontificem Rom. aut eius decretales. 5. externam politeiæ ecclesiasticæ formam propius accedere ad aristocratiam, quàm ad monarchiæ formam. 6. ecclesias singulas, earumque pastores æquè habere clauēs ecclesiæ sibi commissas, ac episcopum quemuis Rom. aut ecclesiam eius vrbis. 7. episcopos Rom. & olim concilijs fuisse subiectos, & ita nunc esse debere. 8. & singulos & vniuersos alicuius regionis homines prouincialis synodi decretis obligari, licet pontifex Rom. vel plures alij episcopi, aut homines priuari contradicant. 9. non posse, nec debere pontificem Rom. principes christianos de regni solio deponere. 10. pontificem Rom. rectè nunc vocari antichristum, ipsumque non amplius esse episcopum, aut pastorem, sed lupum, & caput regni Antichristi. 11. ecclesiam varijs afflictionibus & persecutionibus esse obnoxiam. 12. eam non ita esse visibilem, seu potius conspicuam, vt ab omnibus videri & agnosci possit. 13. nullam ciuitatem, aut gentem certam esse, ecclesiam dei semper apud se mansuram. 14. veram ecclesiam primò & principaliter ex vera doctrina, secundum scripturas canonicas prædicata, *deinde* ex recta sacramentorum administratione, *tertiò* ex cultu diuino secundum mandata dei instituto, & *postremò* ex sanctis moribus cognosci, & ab alijs cœtibus distinguui. 15. eam ex nomine *catholica*, ex vnitatem, vniuersalitate, antiquitate, & reliquis notis à papistis afferri solitis, non adeo certò cognosci posse. 16. deum suam ecclesiam semper curare, regere, liberare. 17. ipsum hostes ecclesiæ affligere, & perdere

dere solere. 18. ecclesiam veram nihil proponere credendum, tanquam necessarium ad salutem, quod ex scripturis non habet auctoritatem. 19. veram dei ecclesiam non solere populariter homines inermes & pacificos trucidare. 20. eam ab antichristi tyrannide & doctrina abhorrire. 21. Cardinales, Abbates, Monachos, & mendicantes fraterculos non esse vera ecclesie membra. 22. magistratus esse officium veram dei ecclesiam ab antichristi violentia & insidijs protegere & tueri. 23. veram dei ecclesiam per singulas provincias ita certam esse verbi dei interpretem & custodem, ut non liceat hominibus priuatis ab eius sententia resilire. 24. fideles supra omnia deum amare, ei que cultum in verbo dei mandatum exhibere. 25. eos patientes esse in afflictionibus. 26. ipsos proximi salutem & non suam gloriam quaerere. 27. ipsos ad finem usque in fide perseverare. 28. ipsos studiosos esse bonorum operum, & in lege dei ambulare. 29. ipsos assiduos esse in dei cultu & inuocatione. 30. deum viros pios & in hac vita, & in futura remunerari. ipsos denique officium hominum Christianorum studiose exequi.

5. Locus communis de lege hac capita praecipue continet: primo quod lex dei non alibi, quam in verbo dei quaerenda sit. 2. quod sola lex dei conscientias obliget, & reliquae leges, quatenus aliquid de lege dei continent. 3. quod summa fide legis dei vtilitas, necessitas, & excellentia. 4. quod eam nullus mortalis perfecte implere possit. 5. quod ex lege non sit iustitia, quae in hac carnis nostrae fragilitate nos plenè & perfecte coram deo iustos

iustos facit. 6. charitatem in nobis formaliter in-
hærentem non esse gratiam dei nos gratos facien-
tem. 7. in extremo iudicio non pronuntiari eos
iustos, præsertim secundum legem, qui sæpius &
grauiter legem transgressi sunt. 8. singula opera
bona non mereri vitam æternam. 9. non esse o-
pus bonum, quod non est in lege dei præceptum.
10. non esse peccatum nisi quod committitur ad-
uersus legem dei. 11. statuta & constitutiones ho-
minum non obligare conscientiam, nisi quatenus
aliquid præcipiunt aut vetant secundum legem
dei. 12. nullam religionem, aut cultus dei for-
mam deo placere, nisi quæ lege dei præcipitur,
aut saltem ex ea deducitur. 13. mortuorum inno-
cationem, & missarum celebrationem in angelo-
rum, & sanctorum honorem, non esse lege præ-
ceptam, nec cultum esse deo gratum. 14. non li-
cere imagines sanctorumue reliquias aut crucem
osculari, & incenso & adoratione honorare, vt fit
in synagoga Rom. nec esse hanc cultus religiosi
speciem deo acceptabilem. 15. non licere imagi-
nem dei patris, aut spiritus sancti, aut iudiuinæ
trinitatis facere, aut eam latria colere. 16. non lice-
re cruci, aut crucifixo, aut alteri christi imagini cul-
tum latriæ exhibere. 17. non esse licitum diuor-
tium coniugum ex consensu propter votum su-
perstitionis monasticæ. 18. iusiurandum ita obli-
gare, vt non liceat pontifici vel illud soluere, vel
cum violatione eiusdem dispensare. 19. concu-
piscenciam omnem contra legem dei peccatum
esse. 20. officium esse hominis christiani in lege
dei ambulare. 21. opera bona deo summè pla-
cere,

cere, & sua mercede non carere. 22. officium esse hominis pij deum ritè colere, dei verbum reuerenter audire, sacramenta à Christo instituta secundum leges ab ipso latus celebrare, & percipere. 23. non mereri nomen catholici, qui se idololatria & superstitione papistica polluit. 24. 25. magistratus esse pij altaria Baal, & omnem idololatriciam & superstitionem ex regno suo tollere. 26. eiusdem etiam esse curare, vt omnes christiani deum ritè colant, & cœtus ecclesiasticos celebrēt; & contumaces & rebelles (quos vulgò recusantes dicimus) mulctis & alijs pœnis ad frequētādas ecclesias cōpellere. ad hunc deniq; locū pertinent, quæcūq; lege dei aut præcepta sūt, aut prohibita.

6.

Euangelij doctrina in multos articulos tribuitur. hîc ergo ostēdendū. 1. quid sit doctrina euāgelij. 2. quantum intersit inter doctrinā legis & euangelij. 3. quod doctrina euang. ab ipso mūdi initio semper fuerit promulgata. 4. quod non sit nota luce naturæ. 5. quod nemo iustificetur per opera legis, sed per fidem in Christum Iesum. 6. quod filius dei verè naturā nostram assumpserit, verāque carnem & veram animam humanā habuerit. 7. quod in Christo duæ sint naturæ & duæ voluntates, & vna tantū persona; aut vt loquuntur nonnulli, personalitas. 8. quod oportuerit Christum mori, resurgere, & in cœlum ascendere. 9. quod christus solus sit noui testamenti mediator, & summus & æternus sacerdos. 10. quod sacrifici synagogæ Rom. non sint sacerdotes secundum ordinem Melchisedech. 11. quod Christi regnum æternum sit. 12. quod nullus ingrediatur regnum Dei,

Dei, nisi renatus. 13. quod Christiani pœnitentiam agere debeant de peccatis. 14. quod non sit differenda pœnitentia. 15. quod ad veram pœnitentiam requiratur & carnis mortificatio, & viuificatio spiritus. 16. quod per spiritum sanctum ex prædicatione euangelii excitentur in nobis fides, spes, & charitas. 17. quod Christus constanter sit ore confitendus. 18. quod perseverandum sit in fide. 19. quod singuli Christiani credere debeant se æternam vitam adepturos. 20. quod regnum celorum cunctis huius seculi gaudijs & commodis præponendum sit. 21. quod singuli fideles credere debeant non ecclesiæ tantum, sed sibi etiam remissa esse peccata. 22. quod corpora nostra in fine seculi resurgent ad iudicium. 23. quod tunc bonis præmia, impijs pœnæ tribuentur. 24. quod non in præsentis seculi bonis, sed in gloria futuræ vitæ confidendum sit. Hic denique omnes articuli explicandi sunt, qui ad fidem & gratiam Christi, eiusque effecta spectant.

In loco de sacramentis ostendendum *primò* quod Christus certa instituerit sacramenta. 2. quod ex sacramentis magnus percipiatur fructus. 3. quod præter Deum nullus instituere possit sacramentum. 4. quod sacramenta non aliter celebranda sint, quàm secundum Christi leges & institutionem. 5. quod alia sint sacramenta veteris testamenti, alia noui. 6. quod confirmatio, ordo, matrimonium, pœnitentia, & extrema vñctio non ita sint sacramenta, vt baptismus & eucharistia. 7. quod baptismus & ad præcedentia & ad sequentia peccata tollenda valeat. 8. quod hoc sacramen-

7.

tum non debeat a mulierculis administrari. 9. quod resecandæ sint nouæ & inutiles synagoga Rom. ceremoniæ in baptismo adhiberi solitæ, & quod grauissimum sit peccatum vel conspurcare, vel contemnere baptismum. 10. quod adulti iam baptizandi, & infantes baptizati diligenter in fide Christi instituendi sint. 11. quod corpus & sanguis Christi non contineantur sub accidentibus panis & vini in eucharistia. 12. quod panis & vinum non transubstantientur post consecrationem eucharistiæ in carnem & sanguinem Christi. 13. quod caro & sanguis Christi a sacerdotibus non verè aut propriè Deo in sacrificium pro peccatis viuorum & defunctorum offerantur. 14. quod missæ priuatae sine communione contra Christi institutionem sint introductæ. 15. quod papistæ sacramentum eucharistiæ mutilent, eiusque institutionem violent, qui illud sub vna specie celebrant. 16. quod idololatricæ sint, qui sacramentum latrâ colunt. 17. quod eucharistia sumenda sit, & non reponenda in pixide, aut circumgestanda. 18. quod missa papistica a Christo aut apostolis non fuerit instituta. 19. quod corpus & sanguis Christi in eucharistia spiritualiter sumantur per fidem, & non corporaliter, vt loquitur *Tonsallus*, & ore corporis. 20. quod omnes ad mensam domini accedentes seiplos probare debeant. 21. quod non requiratur auricularis confessio ad hanc probationem. 22. quod in eucharistiæ celebratione fugiendæ sint omnes superstitiones & inutiles ceremoniæ. 23. quod eucharistia non sit celebranda in lingua, quam communicantes non intelligunt. Hic denique

*Lib. de veris.
corp. & sang.
Christi. in eucb. 1*

nique omnia tractari possunt, quæ vel ad institutionem, vel ad naturam, vel ad usum sacramentorum pertinent.

In loco denique de extremo iudicio docebimus *primò* eertò futurum esse vltimum iudicium. 2. illud non procul abesse. 3. illud futurum esse impijs plenū terroris. 4. homines Christianos huius iudicij semper memores esse debere. 5. fideles tunc mercedem laborum accepturos. 6. impios æternis supplicijs esse cruciandos. 7. animas mortuorum statim à morte aut beatas esse, aut miseras. 8. peccata post hanc vitam non remitti. 9. pœnas inferorum interminabiles esse. Hic denique addi possunt quæcunque de præmijs piorum, aut sceleratorum pœnis scripturæ docent.

Licebit etiam ad istos locos appendicem attexere de virtutibus & vitijs, de cæremonijs ecclesiæ, de officijs hominum Christianorum, aut alia quavis materia, de qua in locis superioribus, aut non satis accuratè, aut non satis particulariter dictum est. Hic enim vberior materia nobis semper parata erit, vnde argumenta sumamus vel ad pietatem & virtutem hortandi, vel reuocandi ab impietate & flagitijs, vel laudandi, & quæ rectè instituta sunt, & quæ ex officio fiunt; vel ea quæ malè fieri videntur, & contra mores & officia bonorum, reprehendendi.

* Ne autem confusè vel articulos singulos, vel testimonia, exempla & argumenta quæ ad singula dogmata, aut pronuntiata probanda afferri solent, congerere & coaceruare videamur; illud *primò* observandum est, vt singula themata simplicia

a Observationes quædam ad vltimam confusio-
nem in descriptione
argumentorum ad
singulos locos com-
munes necessaria.
b Observat. 1.

plicia ad certas & vſitatas quæſtiones, quantum licet, reuocemus. Diſſeremus ergo, præſertim quoties opus eſt, & res ipſa hoc poſtulare videbitur, *primò* an ſit illud de quo agitur; *deinde* quomodo, vt plurimum, vocetur. *Tertio* quid ſit. *Quarto* quotuplex ſit. *Quinto* vnde ſit, ſiue quas cauſas habeat. *Sextò* quid poſſit, ſiue quæ effecta ex eo conſequantur. *Septimò* quæ ſint ei affinia aut cognata. Et *poſtremo* quæ ſint ei oppoſita aut diſparata. Videndum tamen, ne nimis anxie hæc in omnibus quæ occurrunt, quæramus. Neque enim definienda ſunt quæ omnibus ſunt nota, nec diuidenda quæ partes non habent, nec in rebus leuibus vel cauſæ vel effecta nimis prolixè excutienda ſunt, ſed illæ quæſtiones explicandæ ſunt accuratiſſimè, quarum aliqua eſt inſignis vtilitas.

2

Deinde conſiderandum eſt ad *primam quæſtionem* propriè pertinere argumenta omnia, quæ in cauſis coniecturalibus adhiberi ſolent: exempli gratia teſtes, ſuſpiciones, rumores, confeſſiones, indicia, ſigna, cauſas, effecta. Ad *ſecundam* ſpectat mos loquendi vel vulgò vſitatus, vel authoritate ſcripturæ, aut patrum, aut aliorum ſcriptorum confirmatus. Ad *tertiam* referuntur notatio nominis, rei definitio, genus, ſpecies, differentia & proprium. Ad *quartam* pertinent diuiſio, totum, partes. Ad *quintam*, materia, forma, efficiens, finis. Ad *ſextam* euenta, effecta, adiacentia, acta, res ſubiectæ. Ad *ſeptimam* coningata, contingentia, circumſtantia, ſimilitudines, paria & compa- rationes. Ad *poſtremam* oppoſita & diſparata ſcripturæ

scripturæ verò & patrum testimonia ad omnes quæstiones explicandas adhiberi solent. Possunt etiam quæ vnius quæstionis propria sunt, ad alias transferri, vt nos vsus & exempla optimè docent. argumenta ergo ex locis istis quæ maximè conuenient ad singulas quæstiones accommodabuntur.

3

Præterea in singulis locis seorsim & ordine certo describenda sunt argumenta nostra. *Primò* enim ponenda sunt testimonia ex scripturis, *deinde* ex patribus, & alijs authoribus fidedignis. *Postea* ex confessione & scriptis aduersariorum, & *Postremò* ex ratione. Hoc autem tum maximè faciendum est, cum illud dubium videtur, quod probare instituimus. In scripturis verò spectamus primò leges & doctrinam, tunc populi Dei mores & exempla. Neque enim omnia exempla sequenda sunt, nisi hoc ex scripturæ sententia elici possit. In patrum etiam testimonijs consideramus partim eorum dicta, partim ecclesiæ & piorum mores. In ratione denique aut rationis humanæ vis spectatur, aut ratio nostra fundamentum præterea habet in scripturis aut patribus. Nos autem secundum hanc varietatem certam sequemur in collocandis & tractandis nostris argumentis rationem & formulam.

4

Vbi autem aliquid controuersum proponitur, ibi testimonia ex scripturis & patribus accuratè ex authenticis libris desumentur, & non ex aliorum scriptis, aut truncatim describentur. Similiter argumenta ex scripturis, patribus, ratione, & confessione aduersariorum desumpta rectè formanda,

manda, & neruose torquenda sunt. Si quid autem leue sit, aut longè petatum, illud annotatione nobis indignum videtur.

5.

Postremo licebit vel omnia hæc loca communia simul tractare, & in vnum commentarium referre ea ratione & modo, quem diximus, & quem antiqui vt plurimum secuti videntur: vel quia ipsi aduersarij controuersias seorsim tractare ceperunt, & maximè quia disputatio aduersus hæreticos prolixa est, & accuratissimam tractationem, & maximam animorum & virium contentionem postulat, separatim locos controuersiarum à reliquis locis secernere, eosque in proprio commentario separatim & fusè tractare non inutile erit. *Disputatio aduersus hereticos* inquit * Augustinus, *multorum est voluminum & infinita*. Non adeo consultum ergo videtur, quæ multorum voluminum esse videntur, ea cum alijs locis confundere: eis præsertim, qui aduersus omnium hæreticorum verbosissimos papistas disputationem aliquam moliuntur.

* In enchirid. ad
Laurent. c. 5.

Sed si quis ex singulis aliqua delibare, & omnia fidei dogmata & morum præcepta strictim tantum, & quantum ad populares conciones & earum rationem satis est attingere voluerit, poterit omnia simul in vno commentario complecti. Si autem contra fidei hostes, certare velimus, cum quibus nos iam pridem non leui de re, vt nonnulli putant, sed de vita æterna & salute per Iesum Christum pæta, certamen habemus; locos communes qui ad controuersias pertinent cum papistis theologiæ studiosi, si me audierint, à reliquis seiungent,

sciungent. Eorum verò locorum numerum & ordinem & tractationem in gratiam adolescentum, qui theologiæ studium ingredi statuerunt, nos in eo quod sequitur, capite breuiter complexi sumus.

CAP. VIII.

Summa capita controuersiarum de religione Christiana inter orthodoxos & Papiſtas : unde etiam controuersias tractandi ratio colligi potest.

OMnes ferè controuersie, quæ nobis cum papistis sunt, ad ^a quatuor capita referri possidentur. Nam aut de regula fidei Christianæ, eiusque primis principiis, aut de Christo & eius corpore mystico, eiusque membris, aut de sacramentis ecclesiæ, aut de gratia dei eiusque effectis contenditur. ^b Illi pro integra fidei regulæ scripturas non recipiunt, sed partim à traditionibus non scriptis, partim à decretalibus pontificum Rom. epistolis, partim à miraculis monachorum & fratrculorum & aliorum sectæ pontificiæ hominum, partim ab actis & decretis conciliorum à pontificibus Rom. approbatorum, partim à praxi synagoge Rom. partim à sententijs patrum, partim à doctrina scholasticorum & sacrificorum, tanquam à fidei principiis argumenta ducunt. Præterea circa numerum scripturarum canonicarum, earundemque versiones, & interpretationes nobiscum litigant. Vt fidem ergo orthodoxam sanctam rectam circa fidei fundamenta conseruemus, contra ipsos demonstrandum est ^c primò libros

^a 4. Capita controuersiarum inter orthodoxos & papistas.

^b Cap. 1. de scripturis, seu fidei Christiana primis principiis.

^c Cap. 1. art. 1.

bros *Sapientie, Ecclesiastici, Tobie, Iudith, Macha-*
beorum, tertium & quartum Esdra, & fragmen-
ta quadam librorum, quæ apud veterem interpre-
 tem latinum bibliorum habentur, & Hebraicè
 non exstant, non esse Canonem fidei, aut Canonis
 mereri authoritatem. 2. ^a scripturas canonicas à
 deo, & non à synagoga Rom. aut etiam ab ecclesia
 vim habere & authoritatem. 3. ^b deum nobis lo-
 qui in scripturis. 4. ^c scripturas nunc esse ad rec-
 tam fidei & morum instructionem ita necessarias
 populo christiano, vt eis commodè carere nō pos-
 sit. 5. lectionem scripturarum fidem gignere. 6.
 veterem bibliorum versionem latinam non mere-
 ri in omnibus authenticam fidem. 7. codices ori-
 ginales Hebræos veteris testamenti & græcos no-
 ui, magis esse authenticos, quàm versionem lati-
 nam vulgatam. 8. scripturas vertendas esse in lin-
 guas vulgares & vernaculas. 9. scripturas sic con-
 uersas in linguas vernaculas pa'sim legendas esse
 à populo. 10. non esse scripturas publicè legendas
 in lingua, quam auditores non intelligunt, sed po-
 tius in linguis vernaculis. 11. scripturas non ita
 esse difficiles & obscuras, vt ab earum lectione in
 linguis vernaculis laici arceri debeant. 12. inter-
 pretationem scripturarum æquè pertinere ad e-
 piscopos *Anglie, Scoria, Germanie,* & aliarum gen-
 tium, ac vrbis *Rome & Italia* episcopos. 13. inter-
 pretationes pontificum Rom. & ecclesiæ Rom.
 nonnunquam alienissimas esse à sensu spiritus
 sancti. 14. scripturas canonicas esse perfectam fi-
 dei & morum regulam, easque omnia continere,
 quæ ad salutem necessaria sunt. 15. traditiones
 ecclesia-

^a Art. 2.

^b Art. 3.

^c 4.

^d 5.

ecclesiasticas quas iactat synagoga Rom. non esse
verbum dei. 16. neque ipsas, nec vllas traditiones
non scriptas pari affectu ac scripturas esse recipi-
endas. 17. Decretales pontificum Rom. epistolas
non esse principium fidei. 18. traditiones missalis
Rom. & Breviarij, & Legendarum, incertas esse.
19. miracula synagogæ Rom. sanctorumque, quos
illa canonizauit, non esse authentica. 20. scripta
patrum plurima notha esse & adulterina. 21. om-
nia ipsorum scripta examinanda esse secundum
scripturæ sacræ regulam. 22. doctrinam & inter-
pretationes monachorum, fraterculorum, sacrifi-
corum, & aliorum synagogæ Rom. doctorum an-
tichristi charactere habere, & propterea nullam
habere authoritatem.

Papistæ præterea vt corpus christi in pluri-
bus locis simul esse posse doceant, dogmæque su-
um de purgatorio & limbo statuant, quod omni-
no ex mentibus hominum expurgandum & eli-
minandum est, multa de christi corpore & anima
peruersè docent. Plurima etiam de christi corpo-
re mystico, eiusque partibus, sede, & naturâ futili-
ter garrunt, vt omnem veræ ecclesiæ gloriam &
potestatem à coetu fidelium ad pontificem Rom.
& antichristi synagogam, eiusque membra & asse-
clas transferant. Hic etiam multa nugantur de pō-
tificis Rom. prærogatiuis, de conuentu *Tridenti-*
no & alijs suis conciliabulis, de cardinalibus, sacri-
ficis, monachis & fraterculis, vt meretricem apo-
calypticam hominibus imperitis pro castissima
Christi sponsa obtrudant. Ijdem denique de san-
ctorum & angelorum beatitudine suas obsoletas
cantile-

* Cap. 2. de Chris-
to, eiusq. corpore
mystico, eiusdemq.
varij memorij.

• *Art. 1.*• *Art. 2.*• *Art. 3.*

cantilenas occurrant, ut idololatriam angelorum
 & sanctorum defunctorum cultum, quem ipsis
 exhibet synagoga Rom. in ecclesiam christi intro-
 ducant, & ex ecclesia speluncam latronum faci-
 ant. Contra eos ergo in hoc secundo capite de-
 monstrandum est. *1.* *primo* corpus christi esse verè
 humanum, hoc est, solidum, palpabile & visibile.
2. *Deinde* corpus illud non existerè in cœlo & ter-
 ris, & in omnibus altaribus simul. *3.* papistas non
 posse effugere ubiquitatis errorem concessa tran-
 substantiatione, & quod corpus christi simul sit in
 cœlo & in terris, & in omnibus altaribus simul.
4. animam christi non descendisse ad limbum patrum,
 ut animas Abraham & reliquorum patriarcharum &
 piorum sub lege defunctorum è limbo apud inferos
 eriperet. *5.* attributum omniscientiæ & omnipotentiæ
 non magis communicari animæ Christi, quam om-
 nipresentiæ seu ubiquitati. *6.* Christum profe-
 cisse sapientiâ & ætate. *7.* ipsum crevisse secundum
 corporis molem, & non fuisse virum perfectum,
 quando primum conceptus fuit. *8.* Christum tan-
 tum esse caput, & summum regem, & monar-
 cham, & sponsum vniuersalis ecclesiæ. *9.* vniuer-
 sam ecclesiam non esse nunc vni alicui pontifici
 subiectam. *10.* apostolos reliquos parem potesta-
 tem in ecclesiæ gubernatione habuisse cum Petro.
11. omnes electos ad ecclesiam catholicam perti-
 nere, licet non sint adhuc baptizati, aut intra fines
 visibilis ecclesiæ recepti. *12.* homines infideles &
 impios, licet externe fidem veram profiteantur,
 & sacramenta participant, non esse vera ecclesiæ ca-
 tholicæ membra. *13.* nec reprobos, nec homines
 sceleratos

sceleratos sine conscientiae sensu peccantes & flagitiose viuentes numerandos esse propter professionem externam Christianae religionis inter vera Christi & ecclesiae catholicae membra. 14. ecclesiam Christi non esse in terris semper conspicuam, ita ut ab omnibus videatur, & agnoscatur. 15. veras ecclesiae notas esse verbi Dei sinceram praedicationem, rectam sacramentorum administrationem, verum Dei cultum, & sanctos mores. 16. illas notas, quas assignant papistae, Ethnici, & Turcae, qui ab antiquitate, multitudine, duratione, felicitate, miraculis, & huiusmodi rebus externis suae religionis veritatem demonstrare conantur, non esse veras ecclesiae notas. 17. papistas & synagogam Rom. non esse veram Dei ecclesiam. 18. ecclesiam, quam pontifices Rom. eorumque aedificae per Angliam, Galliam, Germaniam, aliasque regiones persequuntur, veram esse Dei ecclesiam. 19. formam gubernationis ecclesiae vniuersalis in terra militantis non esse monarchicam. 20. non esse eandem rationem gubernationis ecclesiae & reipub. nec eandem formam utrobique esse optimam. 21. non esse legitimos & veros episcopos, qui non pascunt Christi gregem, nec opus episcoporum faciunt. 22. imperatorem & alios reges & magistratus Christianos, & non pontifices Rom. potestatem habere congregandi concilia. 23. concilijs praesidere debere non pontificem Rom. sed eos quos patres concilij ex principum consensu designant. 24. principes Christianos ex consilio synodi aut piorum episcoporum leges ecclesiae sui regni praescribere posse. 25. magistratus esse officium

ficium idololatriam tollere, altaria Baal destruere,
 superstitionum omnium fibras eradicare, & veros
 ecclesiæ pastores & doctores aduersus vim anti-
 christi & aliorum ecclesiæ hostium protegere &
 defendere. 26. concilia posse pontificem Rom.
 deponere, & ei leges præscribere. 27. non habere
 pontificem Rom. potestatem deponendi reges
 Christianos, aut aliquam supra ipsos potestatem.
 28. veteres episcopos Rom. non plus potuisse
 contra principes Christianos, quàm alios episco-
 pos. 29. canones conciliorum non obligare Chri-
 stianorum conscientias, nisi quatenus secundum
 legem Dei aliquid decernunt. 30. laicos non pos-
 se solui à vinculo iuramenti principibus, aut alijs
 dati ex mandato, aut dispensatione pontificis Ro-
 man. 31. laicos posse de doctrina priuatim iudica-
 re, quatenus ea ad salutem propriam attinet. 32. ma-
 gistratus non debere papistas aliòsue hæreticos
 contra rempub. coniurantes, aut eam perturban-
 tes ferre. 33. pontificem Rom. non esse *Petri* suc-
 cessorem. 34. eum esse *Heliogabali* potius, quàm
Petri successorem. 35. non esse ipsum legitimum
 episcopum. 36. non habuisse olim episcopos
 Rom. potestatem, vel de omnibus Christianis iu-
 dicandi, vel leges ferendi, quæ omnes Christia-
 nos obligabant, vel episcopos vbique ordinandi
 aut deponendi. 37. pontificem Rom. non esse su-
 pra concilia. 38. esse ipsum caput regni antichristi,
 & eo nomine rectè antichristum dici. 39. ponti-
 ficem Rom. esse hostem veræ religionis & regni
 Angliæ. 40. nec cardinales, nec pseudopiscopos
 synagogæ Rom. nec abbates, nec priores conuen-
 tum,

tuum, nec alios pontificis Rom. ministros aut servulos suffragium habere debere in legitimis concilijs. 41. conuenticula, quæ superioribus his annis aut sæculis à pontificibus Rom. indicta fuerunt, & quæ ex legatis antichristi, & talibus satanæ mancipijs constituta vidimus, fuisse latronum potius conciliabula aduersus Christum, quàm legitima concilia. 42. conciliabulum *Tridentinum* eiusque impia decreta ab omnibus Christianis esse explodenda & fugienda. 43. nec pontificem Rom. nec cardinales, nec abbates, nec priores conuentuum, nec monachos, nec fratres mendicantes, nec colluuiem illam sacerdotum Baal, aut qui illis adhærent, ad ecclesiam Christi catholicam, sed potius ad antichristi gregem pertinere. 44. Christum nunquam suasisse vitam monasticam, aut eius regulas & mores. 45. non posse fieri opera supererogationis, nec pro talibus censenda esse consilia monastica. 46. ab omnibus Christianis fugiendos esse monachorum & fraterculorum ordines, tanquam religionis veræ corruptores. 47. *Iehuscos* & *Ignatij Losolæ* discipulos non esse monachos, sed locustas ex puteo abyssi apocal. 9. emergentes. 48. animas patriarcharum & piorum ante Christum statim post excessum à corporibus Deum vidisse, & beatas fuisse, & non descendisse ad inferos. 49. angelos non esse missis & precibus publicis, altaribusque & templis colendos. 50. animas defunctorum non ubique interesse, nec audire gemitus, aut preces inuocantium se. 51. eas non esse religionis cultu honorandas. 52. non esse missas in defunctorum honorem decantandas,

aut aliter celebrandas. § 3. defunctos non esse precibus, incenso vel genuflexione ante eorum reliquias honorandos. § 4. crucem cultu latriæ non esse adorandam. § 5. imagines sanctorum non esse in templis collocandas, aut incenso, lumine, osculatione, genuflexione & oratione colendas.

ap. 3. de sacra-
mentis.
c. 1.

In ^a tertio capite disputabimus ^b *primò* confirmationem, ordinem, matrimonium, pœnitentiam, & extremam vnctionem non esse noui testamenti sacramēta, pariter vt est baptismus & cœna domini. ^c *Deinde* sacramenta non ita continere gratiam, aut eam ex opere operato conferre, vt papistæ putant. 3. ^d conspurcari baptismum sputo, sale, vnctione & alijs eiusdem generis superstitionis & putidis cæremonijs. 4. corpus & sanguinem Christi non esse verè & propriè sub accidentibus panis & vini in eucharistia. 5. panem & vinum in eucharistia in corpus & sanguinem Christi non transubstantiari. 6. corpus & sanguinem Christi verè & propriè Deo non offerri in eucharistia. 7. missam non esse sacrificium propitiatorium pro viujs & defunctis. 8. sacerdotes, seu potius sacrificos synagogæ Rom. non habere legitimam ordinationem, nec esse secundum ordinem *Melchisedech*. 9. missas priuatas, quæ celebrantur absque communione pugnare cum eucharistiæ institutione, & antiquis ecclesiæ moribus. 10. abrogari, aut saltem violari Christi testamentum, quando communio celebratur sub vna specie, & calix noui testamenti communicantibus negatur. 11. cultum latriæ, quem papistæ sacramento altaris deferunt, esse planissimè idololatriam. 12. missam

sam papisticam non esse à Christo aut apostolis institutam. 13. illam esse multarum superstitionum & abominationum compendium. 14. & missam & canonem ipsum à pontificibus Rom. aliisque hominibus supersticiosus & imperitis fuisse, ut plurimum, confarcinatum. 15. missam & canonem eius multa continere, quæ cum fide Christiana, & moribus ecclesiæ verè catholicæ pugnant. 16. missam papisticam ab omnibus Christianis fugiendam esse. 17. non habere sacerdotes, aliosque ordines synagogæ Rom. legitimam ordinationem & missionem. 18. non rectè sacerdotes synagogæ Rom. cogi ad cœlibatum, nuptiarumque abiurationem. 19. impios esse papistarum exorcismos. 20. non rectè dissolui matrimonium, aut consummatum, aut contractum propter cognationem spirituales, aut vota sacerdotalia aut monastica. 21. non posse pontificem Rom. magis dispensare in matrimonio intra certos gradus prohibito, quam quemvis alium legitimum in causis matrimonialibus iudicem.

In quarto & postremo capite disseremus ^b primo ^a Cap. 3. de gratia Dei, cuiusque esset. ^b Art. 1. ^c Deinde charitatem non rectè dici gratiam gratum facientem. 3. ^d gratiam Dei, qua primum hominem dilexit aliud fuisse, quàm gratiam animæ, gratiam corporis & gratiam loci. 4. ^e papistas ita definire & partiri gratiam, ut planissimè constare possit, ^f ipsos

iplos inimicos esse gratiæ Dei non minus, quàm Pelagianos, & planè nescire, quid sit gratia, de qua apostolus loquitur, Rom. 3. & alijs in locis, & qua fideles iustificari docet. 5. gratiam sufficientem non omnibus dari ad conversionem seu regenerationem, vitationem noui peccati & salutem. 6. male distingui gratiam in operantem & cooperantem. 7. prædestinationis nullum esse in homine meritū siue de condigno, siue de congruo. 8. causam reprobationis non esse peccata præuisa. 9. aliud^a esse reprobationem, aliud damnationem. 10. liberum arbitrium non tam significare actum voluntatis tantum, quàm etiam actum iudicij & rationis, & actum electionis, voluntatis, aut saltem iudicij rationis. 11. non ita habere hominem post lapsum, liberum arbitrium, vt non sit seruus peccati ante regenerationem. 12. viribus naturalibus non cognosci vtiliter & salutariter, vel Deum esse, vel ipsum vnum esse. 13. Deum voluntatem hominis dirigere, & in eam vim suam imprimere, & non tantum in actiones & effectus à voluntate procedentes. 14. hominem viribus naturæ non cognoscere opus legis diuinæ, quatenus tale. 15. non posse hominem opera legis diuinæ facere, & tentationes superare, absque gratiæ diuinæ auxilio. 16. liberum arbitrium, seu voluntatem non eam habere vim in renatis, vt eius viribus præstare possint, quæ ad pietatem & salutem pertinent. 17. ^b hominem ante omnem gratiam non habere liberum arbitrium ad opera pietatis & effecta supernaturalia. 18. ^c fidem iustificantem non tantum esse assensum, eumque generalem, sed continere etiam

Contra Bellar.
2. de grat. &
arbitr. c. 17.

Contra Bellar.
b. 6. de grat. &
b. arbit. cap. 15.
Contra Bellar.
b. 1. de iustific. c.
& sequentibus.

etiam notitiam, fiduciam, & applicationem promissionum Dei singularem. 19. fidem hanc iustificare credentes absque operibus legis. 20. fidem veram & iustificantem non posse absque dilectione, & alijs bonis operibus consistere. 21. hominem Christianum de sua iustificatione certum esse posse, & debere ita esse. 22. iustificationem nostram positam esse in remissione peccatorum, imputatione iustitiæ Christi, & gratuita Dei misericordia. 23. præter vnum Iesum Christum nullum vnquam hominem legem dei perfectè implese. 24. neminem ex operibus suis, aut charitate habituali iustificari coram deo. 25. ex effectis gratiæ dei posse hominem christianum certò cognoscere se esse ex prædestinatorum numero. 26. nec prædestinationem, nec dei iustificationem irritam reddi posse. 27. opera hominum christianorum non esse vitæ æternæ meritoria. 28. non debere ipsos fiduciam ponere in operibus suis, aut de ipsis gloriari. Postea disferendum est de oratione, eleemosyna, & ieiunio, & ostendendum *primò* non esse orandum in lingua ignota. *Deinde* non esse orandum coram cruce, statuis & imaginibus sanctorum. 3. non esse deo supplicandum propter merita & mediationem sanctorum & sanctarum. 4. non esse inuocandos homines mortuos, vt nobis opitulentur. 5. non esse homines defunctos orandos, vt pro nobis intercedant. 6. grauissimè peccare eos, qui eleemosynas pauperibus & egenis debitas in monachos ditissimos, & fratres mendicantes & Iebusæos, aliòsque pigros ventres & mendicos vali-

dos & robustos conferunt. 7. eleemosynarum largitione deo non satisfieri pro peccato. 8. eleemosynas pro defunctis datas nihil eos iuare. 9. legitimum ieiunium non consistere in abstinencia à carne tantum. 10. Ieiunia papistica non esse à Christo, aut apostolis instituta. 11. ieiunijs deo non satisfieri pro peccatis. 12. ieiunijs à papa institutis neminem christianum obligari. quæ omnia ad locum 29. huius capitis pertinent. docendum est. 30. non esse aliqua opera supererogationis. 31. non esse opus bonum & pium vel audire missam papisticam, vel peccata sacrificio confiteri, vel *Romam* peregrini habitu, ut vocant proficisci, vel reliquias sanctorum adire, contingere, & osculari, vel ea perficere, quæ pontifex Rom. aut eius assellæ iubent. demonstrandum est 32. & *postremo* papistas grauissimè errare & peccare circa ipsius peccati doctrinam. Nam *primò* nolunt peccatum originale in beatam virginem manasse. *Deinde* docent peccatum originale omnium peccatorum esse minimum. *Tertiò* putant pœnam peccati originalis tantum esse damnum, aut ut ipsi loquuntur, pœnam dampni. nobis autem in his tribus contraria sententia demonstranda est. contra ipsos præterea demonstrandum est peccatum esse, deum perfectè non diligere. & *quintò* concupiscentiam in renatis esse peccatum. 6. non esse peccatum mortale transgredi pontificum Rom. sectæque pontificiæ mandata aut decreta. 7. non esse necessariam ad tollendum peccatum post baptismum admissum, aut confessionem auricularem, aut satisfactionem peccatoris pro pœna temporali.

li, aut absolutionem sacerdotis. 8. peccatum omne ex natura sua esse mortale. 9. peccata in purgatorio non remitti. 10. non posse homines pro pœnis peccatorum deo satisfacere vel in hac vita, vel in futura. 11. sacrificos peccata verè & propriè, authoritatèque iudiciali non remittere. 12. pontificem Rom. per indulgentias peccatorum pœnas non posse tollere. 13. non esse regressum eis, qui propter peccata ad pœnas inferiorum (nam ibi papistæ purgatoriū collocant) damnantur. 14. Christum plenè & integrè pro peccatis satisfecisse. 15. nihil valere pontificis Rom. indulgentias. hic denique refellenda sunt, quæcunque papistæ de lege dei, de peccato, aut remissione peccati malè docent.

Est etiam alia ratio tractandi controuersias istas, quam nobis piæ memoriæ D. *Gulielmus Whitakerus* vir doctissimus & disertissimus præmonstrauit. Ipse enim totum antichristianisimum vel cum prophetico *Christi* munere, vel cum officio ipsius regio, vel cum eius sacerdotio, vel cum vera doctrina de beneficijs redemptionis & salutis nostræ per *Iesum Christum* partæ pugnare animaduertit: atque ideo omnes controuersias inter veram dei ecclesiam & antichristi gregem in quatuor capita tribuit, quorum *primum* continet ea quæ ad propheticum *Christi* munus pertinent; *secundum* controuersias circa regium *Christi* officium tractat. *Tertium* circa sacerdotium *Christi* versatur. *Quartum* ea explicat, quæ ad doctrinam de beneficijs redemptionis per *Christum* partæ attinent, quæ in nomine *Iesu* continentur. In primo loco

a In Prefat. in tractat. de scriptura.

loco tractandas censet omnes de scripturis & traditionibus, & alijs quibusdam fidei papisticae fundamentis controuersias. In *secundo* differendum purat de ecclesia, de concilijs, de episcopis & ecclesiae pastoribus, de magistratu christiano, de statu piorum post hanc vitam, de cultu angelorum, & hominum defunctorum, & denique vt excludantur ex ouili Christi lupi, mercenarij & alieni à christi grege, de pontifice Rom. de cardinalibus, de sacerdotibus *Baal*, de monachis & omni antichristi grege. In *tertio* querenda censet, quæ ad sacramenta & munus mediationis Christi pertinent. In *postremo* de prædestinatione & reprobatione, de peccato, de lege, de libero arbitrio, & postremò de fide & operibus agendum censet.

Licet denique omnes controuersias in 17. locos partiri, ita vt primus de scripturis, & regula fidei. secundus de humana Christi natura. 3. de ecclesia catholica eiusque pastoribus & ministris, de magistratu & reliquis christianis. 4. de pontifice Rom. de cardinalibus, sacerdotibus *Baal*, monachis, fratribus mendicantibus & reliquo antichristi grege. 5. de inuocatione & cultu sanctorum, de adoratione crucis & cultu reliquiarum, & varijs sectæ papalis superstitionibus, & circa cultum dei erroribus. 6. de sacramentis ecclesiæ. 7. de libero arbitrio. 8. de peccato. 9. de gratia dei. 10. de fide iustificante. 11. de operibus legis, eorumque meritis. 12. de pœnitentia. 13. de matrimonio. 14. de oratione. 15. de eleemosyna. 16. de ieiunio. 17. de statu animarum post hanc vitam, controuer-

trouersias tractet. qui ordo, si cui placeat poterit omnes illas controuersias, quas nos ad quatuor capita reduximus, ad istos septemdecim locos referre: ita ut in loco de scripturis & fidei regula ostendat & quæ sint scripturæ canonicæ, & quæ non sint. quæ sit regula fidei, & quæ non sit. & quæ nos in principio huius capituli diximus ad fundamentum fidei pertinere, aut secus. in secundo differet Christum veram habuisse carnem, & non imaginariam, Christique corpus in vno loco esse, eiusque animam non magis esse omniscentem, quam omnipotentem, & quæcunque ad veritatem humanæ eius naturæ demonstrandam pertinent. in 3. ostendet, omnes prædestinatos ad ecclesiam catholicam pertinere, licet adhuc non sint baptizati, aut ad externam ecclesiæ societatem admissi. hic etiam tractabit de coniugio pastorum ecclesiæ, de magistratus christiani officio, omnibusque negotijs, quæ circa ecclesiam, eiusque partes & officia notas, & sedem in controuersiam vocantur. in quarto collocabuntur ea omnia, quæ circa pontificem Rom. eiusque asseclas disputari solere diximus. atque ita denique ea omnia quæ ad 17. locos propriè spectant, ex primis quatuor locis transferentur, & in sua propria sede collocabuntur.

De istis tribus rationibus & vijs tractandi controuersias cum papistis, liberam nos theologiæ studiosis permittimus electionem. licebit etiam singulis locis aliquid addere, aut adimere, ipsosque locos nonnunquam mutare: modo non turbent ordinem rerum, nec aliquid omittant controuersum,

sum, nec nimis ineptè res frivolas & nullius momenti perfequantur.

Illud etiam diligenter admonendi videntur, ut omisis omnibus cum fratribus controuersijs, quæ aut leues sunt, aut contra homines priuatos suscipiuntur, illud agant quod papistarum importunitas maxime postulat.

Canebunt denique, ne aut nouas lites serant, aut priuatas & singulares opiniones sectentur.

Si quis ergo hæc controuersiarum capita seorsim à locis moralibus, & à reliquis fidei dogmatibus separata & seiuncta seorsim tractanda censuerit, quod & nos ipsi fecimus, & ab alijs magna cum vtilitate fieri posse censemus; poterit idem omnia illa ex libro locorum communium, quos primò descripsimus, huc transferre, & ibi ipsa nissa facere. Sin autem omnia vno volumine complecti voluerit, poterit vel ordinem à nobis primo descriptum sequi, vel saltem aliam locorum communium formulam nostræ huic non absimilem suo Marte sibi ipsi efformare.

In argumentorum verò collocatione, si me audire velit, nihil mutabit. *Primò* enim testimonia scripturæ, & ab eis sumpta argumenta; *deinde* sententias patrum, & conciliorum & episcoporum, totiusque ecclesiæ acta ex probatissimis historijs descripta; *tertiò* aduersariorum confessiones, si res nobis eam facultatem præbeat: *postremo* argumenta à ratione & locis alijs quibusuis sumpta collocabit.

Licebit ei denique vel controuersie alicuius vnum caput in plures articulos partiri, vel noua aliquot

liquot capita locis istis addere, vel ea pro arbitrato suo mutare, & in locum commodiorem transſerre. Sed cauenda ſemper conſuſio, ordinisq; omnis perturbatio. opera etiam danda ne ſibi tantum hæc omnia paſſe videatur. idcirco & ſcriptis, & concionibus, & priuatis colloquijs, quæ ipſe didicit, alijs communicare debet. finis enim theologi eſt & fidelis doctoris, quæ ipſe didicit, ^a *alios docere.* ^{a 2. Tim. 2.} idemque potens eſſe debet, non ſolum exhortari in ſana doctrina, ſed etiam contradicentes arguere.

CAP. IX.

Locorum communium ſumma utilitas.

EX locis verò iſtis, ſi ea testimonijs & argumentis commodis inſtruere, & rectè & ordine tractare didicerint, multiplex ad theologiæ ſtudioſos perueniet utilitas. Nihil enim ipſi legent, quod non facilius quorſum ſpectet, intelligent, & memoria firmitus comprehendent, & ad uſum hominum Chriſtianorum promptius proferent.

Et primò quicquid vel patres eccleſiæ, vel *Lutherus*, vel *Melancthon*, vel *Cranmerus*, vel *Calurnus*, vel *Bullingerus*, vel *Petrus Martyr*, vel *Inellus*, vel *Chemnitius*, vel *Foxius*, vel *Fulcius*, vel *Antonius Sadeel*, vel *Whitakerus*, vel alius quiſquam è noſtris ſtrenuus Dei athleta ex ſcripturis, aut maiorum commentarijs, aut aliunde hauſit, & aduerſus hoſtes veritatis neruoſè contorſit, hoc omne ipſi

ipsi in exigui commentarij angustias contractum, & ad loca & capita certa relatum vno quasi aspectu contueri poterunt. Inde etiam facultatem sibi cōparabunt aduersus quolibet ecclesiæ hostes ex tempore decertandi. Nec difficile erit illis vel quæ breuius dicta sunt, amplificare, vel quæ desunt supplere, vel quæ imbecilliora videbuntur, vberius confirmare.

2. *Deinde* omnes simul aduersariorum copias vel ex scripturis, vel ex patribus, vel ex conciliorum actis, vel ex alijs locis contractas videre licet. Neque enim illa tantum quæ nostri homines pro veritate, sed etiam quæ aduersarij aduersus veritatem dicere solent, ad singula controuerſiarum capita annotanda censemus. Simul etiam quæ homines doctissimi ex sententia sacræ scripturæ, & patrū scriptis, & alijs argumentis ad sophismata papistarum responderunt, breuiter describenda videntur. Atque ita facillimum erit, & effugijs aduersariorum viam obſtruere, & argumenta pro veritate confirmare, & inuicta præstare.

3. *Tertio* non erit opus posthac, quod multi nunc homines imperiti factitant, vel ad putidas papistarum postillas, vel ad verbosos & lutulentos monachorum tractatus, vel ad promptuaria Stapletoni & aliorum stercorea, vel ad thesauros & siluas exemplorum & similitudinum, vel ad scholasticarum sententiarum spinosas argutias, & ad flores doctorum iam deflorescentes, & huiusmodi scripta inepta & noxia recurrere. Habebunt enim theologiæ studiosi, si nostrum in locorum communium descriptione consilium promptè & accuratè

accuratè exequi voluerint, ex ipsis scripturæ fontibus, & patrum, ecclesiæque monumentis, tanquam ex penu instructissimo, quæcunque vel ad concionum materiam & ornatum, vel ad disputationes & congreſſiones cum papistis necessaria erunt.

Quartò non erit necesse vt hætenus, in singulis concionibus & disputationibus iterum atque iterum vel ad patrum, vel ad recentiorum scripta redire, nouamque quasi materiam, tanquam ad noua ædificia comportare. Hinc enim sumere possunt theologi, tanquam ex thesauro domi iam parato, quicquid vel ad conciones, vel ad disputationes, vel aduersariorum scriptorum confutationes necessarium erit.

Quintò hic locorum communium commentarius instar armamentarij erit, vnde homines pij summam telorum copiam sumere, & hostes religionis conuincere, & seipſos aduersus hæreses & impietates armis munire poterunt.

Ex aduersariorum etiam & nostrorum hominum scriptis, vnde præcipua argumenta in locorum communium commentarium transferentur, controuersiarum status, qui nunc plerisque obscurus videtur, & facilius & certius cognoscetur.

Septimò & summa vitabitur in legendis nostris, & aduersariorum scriptis confusio, quæ hætenus multos impediuit, nonnullos ab his studijs deteruit, & summa ex lectione scripturæ & patrum percipietur vtilitas, quæ multos proculdubio ad huius præclarissimæ scientiæ studium postea alliciet.

Octauò

8.

Oportet hinc intelligent, non tantum quibus authoribus, & adiutoribus, & superstitiones, & verè doctrinæ corruptelæ in ecclesiam subingressæ sunt; sed etiam quibus gradibus & temporibus & fides, & verus Dei cultus corrumpi, aut deformari cœpit: quod ad superstitiones, & corruptelas papistarum detegendas, & euertendas valet plurimum.

Postremo quicunque cōmentaria postea in aliquem sacræ scripturæ librum scribere instituerit (quod sane ad refellendas papistarum falsissimas interpretationes, quas in tot commentarijs *Iebuseorum*, & aliorum indies emergentibus nobis obtrudunt, necessarium fore videtur) nā illi non adeo multo labore, si quam nos ipsis præmonstrauimus viam sequi voluerint, omnes superiores magna legentium admiratione superabunt. Quæcunq; enim vel grauius patres eccelsæ, vel acutè & vtiliter recentiores ad singula loca obseruarunt & annotarunt, ea facillimè in vnum locum contrahere, & quæ superflua sunt refecare, & quæ defuncti supplere, & quæ malè nonnulli dixerunt, corrigere poterunt.

Omnes ergo adolescentes, qui hoc studium ingressuri sunt, & quibus hoc integrum est, hortor, vt non tantum scripturas & scripta patrum, aliorumque authorum monumenta studiosè legant, sed vt certam aliquam rationem & viam in studijs & lectione librorum sectentur, atque vt locorum communium commentarios assidue & diligenter conficiant. Neque hoc ego mihi arrogo, vt mea solum illis obtrudere velim. Liberum enim

est illis permittito, vt vel hanc meam studiij theo-
logici methodum sequantur, vel aliam meliorem
ipsi excogitent, modo non, vt hactenus, in im-
mensis patrum & aliorum authorum campis sine
errore, apertissime certa vagentur. Hoc sane
illis audacter confirmo, si in lectione & scriptione
leges istas seruare, & se in dicendo, docendo, scri-
bendo, disputando assidue exercere velint, ipsos
nec Bellarmino in controuersijs tractandis, nec
Baronio in historiarum cognitione & scriptione, nec
aduersariis nostrorum cuiquam in vilo

scriptoris, aut certaminis scho-

lari, & minus lastici genere impa-

rius obnoxio. **res futuros.**



F **D**



DE CONCIONVM FOR

*mulis earumque varia tracta-
tione libellus.*



Vpoteft nunc, abfoluto de ftudij theolo-
gici ratione tractatu, vt de concionibus
ad populum, earumque formis & trac-
tatione aliquid dicamus. Idcirco enim & ftudij
theologici viam oftendimus, & quomodo omne
genus testimoniorum & argumentorum in loco-
rum communium commentarios, tanquam in
armamentarium inftitiffimum referri poffit,
vt theologi & ecclefiae magiftri & doctores futu-
ri, & dicendo ad populum, & cum hoftibus reli-
gionis configendo officium fuum exequantur,
& de hoftibus veritaris victoriam reportent; &
non, vt thefauro iam parato, & in vnum locum
comportato, & quali in terram defoffo inutiliter
incumbant. Primum enim & praeceptum theo-
logi & pij pastoris officium eft, docere, & pafce-
re fibi concreditum gregem. Atque hoc & Chri-
ftus ipfe & eius apoftoli docent. Chriftus nam-
que miffurus apoftolos in opus legationis ^a dixit,
docete omnes gentes: idemque Petrum lapfum ad
officium fuum exequendum excitans haec inge-
minauit & ^b dixit, *Pafce oues meas, pafce agnos me-
as*. Neque hoc ad Petrum folum, fed ad omnes

pios

^a Math. 28.

^b Ioan. 21.

pios episcopos qui Petro in pascendis Christi
 ouibus successerunt, pertinere dignoscitur. Ideo
^a Petrus presbyteros hortatur, ut pascere Dei
 gregem, qui secundum ipsos erat, idque ex officio & de
 obis, hoc est, sponte & prompte. Apostolus eti-
 am in Timothei persona nobis boni episcopi &
 pastoris formam describens: *predica* inquit, *ver-*
bum, iusta opportune & importune, argue, obse- b 2. Tim. 4.
crum, increpa in omni patientia & doctrina. Dicamus ergo
 nunc quomodo huic officio suo pius ecclesie do-
 ctor satisfacere possit, ne quaecunque superius
 scripsimus, frustra monuisse & præscripsisse videamur.

Doctoris & concionatoris ecclesiastici officio
 ille nostra sententia satisfacit, qui secundum fidei
 regulam veram doctrinam tradere, falsa & noxia
 dogmata refellere, in iustitia & bonis moribus
 erudire, hominesque imperitos informare, & pec-
 catores redarguere, didicit: denique qui & segnes
 ad opera pietatis & virtutis hortari, & afflictos
 consolari potest. Totum enim munus doctoris
 pij circa scripturam versatur, *qua* ut inquit: apo- ^{c 2. Tim. 3.}
 stolus, *utilis est ad docendum, ad arguendum, ad cor-*
ripendum & erudiendum in iustitia. Idem etiam
docet per consolationem scripturarum spem haberi ^{d Rom. 15.}
Neque sane aliud meretur nomen operarii
vinumque, siue inconfusibilis, nisi qui ^{e 2. Tim. 2.}
est tractat verbum veritatis. Hinc ergo in-
 telligimus, quinque esse siue genera concio-
 num, siue communia concionum argumenta,
 quæ communiter ad populum haberi solent.
 Concio enim aut inspirationem in fidei do-

ctrina spectat, & dicitur doctrinalis; aut refutationem hæresis alicuius, aut erroris, & dicitur refutatoria; aut institutionem in moribus & pietate, & vocari potest institutiva; aut peccatorum reprehensionem, & dici potest reprehensiva; aut denique consolationem in afflictionibus, & hortationem ad bene sperandum, & dicitur consolatoria. quæ diuisio à fine concionum sumitur, & ad conciones tantum simplices spectat. Sunt enim aliæ conciones mixtæ, quæ plures ex istis locis complectitur. Solentque ecclesiastæ periti in eadem sæpe concione & verum docere, & falsum refellere, virtutemque laudare & vitia reprehendere, hortari denique & afflictos & miseros solari; aut saltem plura ex istis locis persequi.

In singulis vero concionum generibus ut pastores ecclesiæ fructum ex laboribus, quem sperant, percipiant, atque ut fideles verbi salutari doctrina vtilius pascantur, hæc potissimum concionatores spectare debent. *Primo*, etsi omnis scriptura utilis sit; ex ea tamen locos illos eliget, qui populo, temporibus, personis suis, locisque ubi concio habetur, maximè conueniunt. Idcirco autem huius rei *primo* rationem habendam dixi, quia non alio nomine conciones habent ecclesiæ pastores, quam ut scripturas interpretentur, neque aliud argumentum concionum sumere solent.

Deinde ubi animi auditorum aut à personis concionatorum, aut à rebus tractandis alieniores esse videbuntur, non temetè res ipsas aggredientur, neque antequam sibi aditum ad auditorum

benigno

benefolentiam patefecerint, eosque expectatione rerum magnarum & maximè utilium attentos fecerint.

Tertiò, ne extra limites temerè euagetur oratio, & ne auditores suspensi teneantur, & ignorent, quibus de rebus agere instituerunt; certos sibi terminos constituent, quibus omnis concio contineatur. Hoc enim & perorantem plurimū commendat, & auditorum memoriam iuuat & confirmat. Oratio verò sine omni diuisione & partitione scopis dissolutis simillima videbitur.

Quartò, non tantum rectè & dilucidè explicanda sunt & confirmanda fidei dogmata, & quæ ad morum pertinent reformationē, sed etiam acutè refellendæ hæreses, & reprehendenda morum vitia. Hic etiam locus erit idoneus homines afflictos & cogitatione vel peccatorum suorum, vel communium calamitatum deiectos nonnumquam erigere & consolari.

Postremò, breui eorū quæ dicta sunt facta enumeratione, tanquam aculeos quosdam in animis auditorū infigere debent, ut vel probent quæ demonstrata sunt, & sequantur quæ laudata, vel fugiant & auersentur dogmata noxia & vitia reprehensa. Loci etiam nonnulli quandoque attingendi sunt, qui consolationem in rebus asperis & calamitosus asferre possunt.

Quod autem diximus eas scripturas maximè deligendas esse, quæ personis, locis & temporibus maximè conueniunt, quæque maximam utilitatem & opportunitatem habere videntur; illud diligentissimè ab omnibus concionatoribus obser-

uandum est. Neque enim subtiliter differendum est de obscuris quæstionibus & maximis religionis Christianæ mysterijs apud homines imperitos & rusticos, qui erudiendi sunt potius, quàm illaqueandi, nec vtiliter tractatur de officio pastorum coram plebe, de fraudibus & astutijs mercatorum coram agricolis, de milicum peccatis coram mercatoribus, de oppressione principum aut hominum nobilium coram populo, quando nulli adsunt, in quos illa concionis pars quadrat. est etiam intempestiuum tempore pacis de rebus bellicis agere, tempore belli pacis commoda commemorare. Neque quicquam minus decet, quàm si homo adolescens & imperitus censoria accepta persona, homines doctos, graues & prudentes aut reprehendere, aut obiurgare, aut monere non dubitet. Præterea licet scriptura quam tractant, summam illis facultatem præbeat aut hæreses iam mortuas refellendi, aut vitia ignota reprehendendi, præstat tamen illa vel silentio præterire, vel breuissimè perstringere, & in rebus potius necessarijs aut vtilibus orationem consumere. Sunt denique nonnullæ scripturæ, quæ vnum, aut alterum locum continent, eumque satis angustum, & fortasse à personis, apud quas verba facimus, alienum. Quis ergo non caueat, ne se in huiusmodi angustias conijciat, vel in sermonem inuolem al enumque excurrat, vel frustra verba inania funditet?

In exordijs etiam cauebunt, ne vel nimis magnifice se inferant, vel nimio verborum apparatu vtantur, vel exordijs vtantur vel nimis longè peti-

tis, aut longis. quorsum enim prolixa oratione opus est apud eos, qui salutare fidei pabulum expectant, nec quicquam magis expetunt, quam ut in fide & moribus rectè instruantur? sciendum etiam est, non semper utendum esse exordijs in concionibus. auditores enim fideles non verba nuda, sed rem meram expectant.

Enumeratio seu diuisio, quam in concionibus adhibere solemus, maximam vim habet, præsertim si ex ipsis scripturæ verbis profluat, & non contra mentem eius per violentiam inferatur. Ostendit enim iudicium ecclesiastæ, res dispersas in vnum corpus contrahit, orationem euagantem intra ripas continet, ne diffuat, sententiam scripturæ dilucidè aperit, doctrinas varias salutes expromit, & memoriam dicentium & audientium firmat. Videndum ergo primò, ne vi dedolemus scripturam, deinde ne nimis multas partes faciamus, & præterea ut quæ proposuimus, ea accurate secundum mentem spiritus sancti, & ordinem institutum tractemus.

Post propositionem verò siue diuisionem, siue enumerationem (tot enim nomina hæc orationis pars sortita est) aggredientur ecclesiastæ ipsius sacre scripturæ interpretationem & tractationem. Et primo quidem verba sacre scripturæ & phrasæ, si quæ occurrunt difficiliore, breuiter & apertè explicabunt. Deinde suam explicationem seu interpretationem, præsertim si eam aliqui non recipiant, & ab antecedentibus & à subsequen-
 verbis & sententijs, & à scopo spiritus sancti, & à locis scripturæ similibus, & testimonijs antiquissi-
 morum

morum interpretum confirmabunt. *Tertio* doctrinam quam ex illo loco hauriunt & scripturis, & patrum sententijs, & alijs argumentis confirmabunt; idque tum maxime, quando papiste, alijsue hæretici contradicunt. *Quarto* inde alia ad utilitatem auditorum documenta, quæ in scholis corollaria, seu conclusiones quasi ex primis principijs elicient. *Postremo* vsum singulorum ostendent, & inde ad credendum & bene operandum, & omne virtutis genus hortandi materiam sumient. à flagitijs etiam & hæresibus auditores ubi opus est & locus flagitat, deterere debent.

Atque hæc ferè omnium concionum communia sunt, & tam ad doctrinale genus, quam ad reliquas concionum formulas pertinent: sed habent præterea singula concionum genera sua peculiaria præcepta & observationes. In genere doctrinali aut themata, ut vocantur, simplicia tractantur, aut integræ propositiones. Themata simplicia commodè explicantur per quæstiones. Nam aut quæritur an sit, aut quid sit, aut quotuplex sit, aut quas habeat partes, aut quas causas, aut quos effectus, aut quæ sint ei affinia, aut denique quæ contraria & huiusmodi alia. Hoc tamen non ita intelligendum est, quasi omnes hæ quæstiones in singulis thematis, seu vocabulis locum haberent. nam neque quæritur an sit, quod omnes esse fatentur; nec quotuplex, quod simplex est, & vnius generis; sed ex omnibus quæstionibus illas deligent concionatores, ex quibus cognitæ & discussæ aliqua ad populum dei utilitas redundat.

Integræ verò propositiones quæ ad fidem pertinent, siue sint affirmatiuæ, siue negatiuæ, confirmandæ sunt testimonijs & argumentis ex sacris canonicis scripturis. *fides enim ex auditu*, vt inquit apostolus, & *auditus ex verbo dei*. Nullum autem nunc verbum dei credimus præter illud, quod deus in scripturis sacris nobis revelauit. Præterea quoniam papistæ, aliique hæretici interpretationes nostras reiicere solent; non abs re erit post scripturæ oracula adiungere etiam sententias patrum, & antiquissimæ ecclesiæ suffragia. omnia denique, quæ nos probanda suscipimus & similitudinibus & exemplis illustranda & argumentis à confessione aduersariorum & alijs locis dialecticis corroboranda sunt: præsertim verò vbi res nobis eam facultatem subministrat. à scripturis verò plura argumentorum genera deduci posse videntur, vt ex patrum scriptis liquet. ipsi namque argumentari solent vel à phrasi scripturæ, seu dictionis formula, vel à significatione verborum, quibus vitur spiritus sanctus, vel à verbis antecedentibus aut consequentibus, vel à principio aliquo fidei in scripturis contento, vel ab attributis dei, vel à signo ad rem significatam, vel à tempore legis ad tempus euangelij, vel ab vno tempore in omne tempus, vel à membris ad caput & contrà, vel à minis & promissionibus ad effecta, vel à veritate verbi dei, vel à persona vnius ad omnium piorum personas, & vnius impij ad omnes impios, vel ab allegorijs & typis ad veritatem, & huiusmodi alijs locis. Ita, inquam, patres argumentari solent. Quis autem non libenter persequatur

vestigia

2 Rom. 10.

vestigia patrum, præsertim ubi ipsi à patribus suis, apostolis scilicet & prophetis, eorumque sententia non recesserunt: semper tamen relinquendi & vitandi sunt loci, qui vel curiositatem olent, vel à proposito alieni esse videntur. in doctrina denique tradenda, ea strictim & breuiter attingenda sunt, quæ nec personis, nec temporibus, nec locis conueniunt, licet sacre scripturæ, quas tractamus, de huiusmodi negotijs verba faciant. Absontæ autem & nouæ & ineptæ & violentæ scripturæ interpretationes, siue potius deprauationes semper fugiendæ sunt.

In genere refutatorio *primò* aduersariorum sententiam, *deinde* eorum paralogismos & sophismata proponemus. hic etiam si quid ineptè, aut stultè collegerint referemus. *Tertiò* ostendemus sententiæ, quam refellendam suscepimus, ineptias & nouitatem, eamque argumentis à scripturis, patrum testimonijs, aduersariorum confessione & dissensione, variisque alijs rationibus refellemus. *Postea* respondebimus ad argumenta aduersariorum secundum ordinem à nobis propositum, eaque aduersus hostes, quoties datur facultas, retorquebimus. *Postremò* veram interpretationem & sententiam asseremus, eamque argumentis, quæ diximus confirmabimus. magna tamen hic cautione opus est. nam vt in genere doctrinali non longa opus est confirmatione in rebus clarissimis, quæ ab omnibus cognoscuntur & conceduntur, sic nec multi esse debemus in hæresibus intermortuis & populo ignotis refellendis. *Deinde* non temerè hæreses & errores refellendos suscipere debemus,

nisi eos solidis argumentis conuincamus. *Tertio* non nimium in hoc genere immorandum videtur, præsertim ubi apud populum habetur oratio, cui subtilitates nimæ nec placent, nec utiles videntur. *Quarto* videndum, ne aduersarijs falsa sententia affingatur, & ne eorum argumenta aliter proponantur, quam ipsi ea proponere soleant. hoc enim illi ridet, & inde calumniandi ansam sumunt. cauendum postremo ne maiore verborum acerbitate utamur, quam res postulat. In genere institutio aut laudamus aut suademus, & ad ea quæ honesta & laudabilia sunt, hortamur. laudari solent honesta, iusta, vtilia, & maximè quæ ad pietatē spectant, quæq; fortiter & magno animo, & temperanter fiunt, & huiusmodi. ad ea etiā suscipienda hortari solemus, argumenta verò ducuntur à scripturis & locis, quos diximus. multum etiam valet, si ostendamus illa quæ suademus esse iusta, facilia & necessaria. magis particulariter verò aliquid iustum & utile esse demonstrabitur à præceptis & promissionibus dei, à consilijs & exemplis piorum, à legibus & consensu populi, & denique quia contrarium his omnibus repugnat, & turpe & indecorum est. obseruandum est etiam, laudari nonnunquam personas, nonnunquam res. sed ex rebus laude dignis oriri solent & laudes personarum. pietas ergo & quicquid laude dignum censetur, diligenter cognoscendum est. cauendum verò, ne res leues & non adeo magni momenti nimis laudibus efferamus. hoc enim puridum est, & à concionatoris gravitate alienum. videndum etiam ut omnis simulati-

onis

onis & assentationis absit suspicio. nihil autem turpius, quàm aliquem coràm in os laudare. omnes denique operam dabunt, ne res turpes, aut inutiles, aut non necessarias vel suadeant, vel laudent.

In genere redargutio, seu locis potius, quæ ad peccatorum reprehensionem & redargutionem spectant, licet quidem audacter & liberè reprehendere. *argue* inquit apostolus & *increpa*. sed neque reprehendenda sunt, quæ reprehensione carent, nec credenda sunt facilè, quæ maleuolorum rumoribus differrì solent, nec quæ clam à priuatis gesta dicuntur, temerè in lucem proferenda sunt. hoc enim peccatorem non adigit ad pœnitentiam, sed magnum odium sæpe conflat in concionatorem. præterea nec omnes personam hanc reprehensoriam & censoriam in se suscipere debent, nec omnes personæ absque discrimine pariter perstringendæ videntur. neque enim litigandum est cum fratribus de rebus priuatis in loco præsertim publico, neque ea dicenda, quæ magistratus minuunt auctoritatem. cauendum est etiam, ne quid odio, aut inuidia incitati inquam dixisse videamur. vitia enim reprehendenda sunt, & parcendum, quantum licet, hominum famæ. si quid autem aduersus fratres habemus, illud præstat inter nos & ipsos, & non publicè proferre. *Postremo* nec magna flagitia leuiter perstringenda sunt, nec quicquam turpius, quam in res leuiusculas tragicè debacchari. reprehendenda autem sunt illa præcipuè, quæ aduersus legem Dei, deinde quæ aduersus leges & institutiones eccle-

fiæ Christi, & principum Christianorum committuntur. præterea quæcunque turpia sunt & indecora, & magna secum incommoda & damna vel reipub. vel hominibus priuatis afferunt, reprehensione digna videntur. Omnis ergo impietas & turpitudine redarguenda videtur. Sed quoniam finis reprehensionis est hæreseôn & delictorum eradicatio, peccatorumque ad Deum conuersio; idcirco & minis legis diuinæ, ab impietate & peccato reuocandi sunt, & promissionibus misericordiæ Dei ad pœnitentiam alliciendi. Proponenda etiam sunt pœnæ, quæ homines impios & sceleratos in hac vita sequuntur, vt quos religio non mouet, eos pœnæ legû, terrores cōscientiæ, & hominū odia aduersus flagitia in officio contineant.

In consolatorio genere abducimus fideles à dolore & tristitia, reuocantes illis in memoriam prouidentiam Dei, præsidium angelorum, iustitiam Dei, exemplum *Christi* & *Christi* discipulorum, conscientiae rectitudinem, promissiones dei de liberatione piorum, gloriam Dei, quæ in piorum afflictione & patientia relucet, spem futuræ vitæ, & huiusmodi.

In omnibus verò istis locis, vbi aliquid affirmamus, vel negamus, suademus, vel culpamus, licet non hoc semper dixerimus, locum habent testimonia sacrarum literarum, & auctoritas maiorum, piorum præsertim patrum & principum. Adduntur etiam exempla, quoties licet, ex scripturis & ecclesiæ historia, & aliorū authorū scriptis. Confirmanda denique est sententia nostra, & aduersariorum refellenda ex locis à ratione petitis,

titis, & confessione aduersariorum, quoties hoc commodè fieri potest.

Valde etiā iuuat affectus auditorū commouere in rebus tristibus ad lætitiā, in dubijs & periculosus ad spem, in secundis ad metum, in peccatis & flagitijs & impietatibus ad odiū & detestationē, in honestis & pijs ad amorē & delectationem, in calamitatibus proximorū ad misericordiā. Neq; vllum est concionis genus, vbi aliquid horum locum non habeat. De motibus ergo animorum sedandis, aut excitandis aliquid dicendum videtur.

Lætitiā in rebus tristibus excitāt fiducia in Dei misericordia, conscientia bene actæ vitæ, promissio Dei de liberatione piorum, preces ecclesiæ, futuræ gloriæ expectatio.

Spem in periculis & rebus dubijs concipimus ex promissionibus Dei de perpetua cōseruatione piorum, ex certitudine fidei Christianæ, ex remedijs malorum, quæ ostenduntur, & quia multis exemplis edocemur, pios ex huiusmodi periculis nec opinantes fuisse liberatos.

Metum impijs incutiunt comminationes diuinæ, legis Dei sanctiones & pœnæ, signa iudiciorum Dei aduersus impios & sceleratos, & postremo terrores futuri iudicii, & inferorum cruciatus æterni.

Odiū aduersus peccatū gignunt scandala, quæ inde proueniunt, personarum dignitas aduersus quas peccatur, rerum turpitudine, damnum denique, quod inde ad ecclesiam, rempub. & homines priuatos redundat.

Homines perditī & flagitiosi ad sollicitudinē
salutis

salutis æternæ excitantur locis ab honesto, peccatorum turpitudine, agnitione fragilitatis humanæ, miserijs peccatorum, damnis quæ sequuntur vitam flagitiosam, bonisque quæ sequuntur verè poenitentes.

Ad amorem Dei inflammantur hominum animi argumentis à summo Dei erga genus humanum amore, à summa diuinæ naturæ excellentia, à bonitate Dei, ab officio hominis Christiani & exemplis piorum.

Mæus diuini iudicij illis incutitur, qui cogitant Dei iustitiam, iram aduersus scelera & impietates, suam indignitatem, peccatorum suorum gravitatem, exempla iræ diuinæ, & poenarum in peccatores infligarum.

Spem de Dei misericordia adipiscimur, ex Dei promissionibus, & fructu qui consequi solet humilem confessionem, ex Christi mediatione efficacissima, spiritus sancti adiutorio certissimo & electionis nostræ certitudine, quæ ex signis & effectis consequentibus habetur.

Erga alios misericordia afficimur commoti argumentis ab ætate, conditione, vitæ innocentia, genere calamitatis, & dignitate eorum, qui affliguntur.

Quanto verò magis res amplificamus à ratione rei, loci, temporis, personæ, & alijs circumstantijs, atque etiam à natura Dei, à præstantia vocationis Christianorum, & huiusmodi locis; tanto magis homines Christiani affici & commoueri solent.

Postquam vetò scripturæ interpretatio & tractatio

etatio absoluta est, omniâque dicta videntur, quæ
vel docenda vel refellenda, vel monenda, vel re-
prehendenda, vel ad consolationem piorum
piorum commemoranda existimauimus, vel sal-
tem quæ per temporum fortasse angustias dis-
cere potuimus; quæ superius diximus, breuiter
enumerabimus, omniâque quæ diximus pro re-
rum gravitate exaggerantes, oratione breui ad De-
um fusa concionem concludemus.

Atque hæc omnia non dubitamus, quin theo-
logici studij candidari, quando ex scholasticæ pa-
lestra in aciem & certamen cum hostibus pietatis
processerint, & concionandi munus susceperint,
ipsa experientia edocti vera, & admodum neces-
saria esse cognoscent. Nos quia nouitijs non in-
utilia fore putauimus, ea in hunc breuem tracta-
tum coniecimus. Vnde si aliquid utilitatis ad eos
redundarit, lætabimur: sin minus; tamen nos
dubitamus eos voluntatem nostram probaturos,
aliosque qui plus possunt nostro exem-
plo prouocatos, aliquod abso-
lutius opus de his re-
bus esse aliquan-
do edituros.

